

S P E A K E R : Nimahsela, zawhna atthlak te, thlahtute thu chhuina te, inhnialna te, Dan thu-a insualna te chu hawisan zel rawh; chung chu thil sawt lo leh engmah lo a ni si a.

Tita 3:9

Pu Lalhmingthanga Leader of Opposition hi chawhma lam absent a rawn dil a, amah hian tih tur pawimawh tak a neih avangin phalsak a ni.

Aw le, kan list of business-ah kan kal nghal ang a, Starred Question 71-na ah kan kal nghal ang a, zawt turin Pu F.Lal Thanzuala i sawm nghal ang.

PU F.LAL THANZUALA : Pu Speaker, Public Works Department Minister zahawm tak chhan a tana ka zawhna Starred Question 71-na

Public Works Department hian bogus M/R rawih a la nei em ?

S P E A K E R : Chhang turin Pu R.Tlanghmingthanga Minister, i lo sawm nghal ang.

PU R.TLANGHMINGTHANGA : Pu Speaker, Public Works
MINISTER Department hian bogus M/R rawih a nei em ? tih chhanna chu "Nei lo" tih a ni e.

S P E A K E R : Pu F.Lal Thanzuala zawhbelhna.

PU F.LAL THANZUALA : Pu Speaker, bogus M/R rawih an nei tawh lova, a lawmawm hle a. Hemi ah tho hian Unstarred Question chhannaah khan bogus M/R hi mi 575 ti mai ila 575 ban an nih thu a awm a. Ka zawhbelhna chu hei hi a ni. Heng bogus M/R lo ruaitute chungah hian action lak a ni em ? Ka lawm e.

S P E A K E R : Chhang turin Minister PWD i sawm leh ang.

PU R. TLANGHMINGTHANGA : Pu Speaker, keini chuan kan nei
MINISTER lova, chuvang chuan khalaiia zawhna
kha tunhma thil PWD chhanna a ni
em aw ? ka hre lo a, khalaiia bogus
M/R lo ruaitute chungchang kha chu ka hriatpui lo ka ti....

PU F. LAL THANZUALA : Pu Speaker, zawhbelhna Pu Speaker,
PWD Department tho a ni a, Ministry
hmasa a mi pawh nise a inzawm vek
thova. A sual emaw a diklo emaw
kha chu a inzawm vek tho a ni. Tunah he zawhna hi unstarred
question member zahawm tak Pu Zakhu-a zawhna a ni a. Financial
year kum 2000-2001 chhung M/R ban a zawhna a chhanna a ni a.
Engpawh nisela, PWD a mi tho a ni a. Chutianga kan rawih,
kan rawih loh tih theih ani lova, PWD ami tho kha a ni. Tah
hian chiang takin a in ziaak a. A chhanna hi chu chu a nia.
Chuvang chuanin action a lak leh lak loh hi ka zawt duh a.
Action a la lo anih chuan engahnge hetiang sorkar pawisa
nasa tak mai tibo tu hi, tibotute chungah hian action a lak
loh hi engvang nge ni ? tih ka zawt duh a ni.

PU LALRINZUALA : Pu Speaker, Tuna kan ngaihthlak
ang khan tun mai chhanna kan hmuh
kha ania, kha Session hmasa maiiah
khan. PWD atangin 500 chuang bogus
M/R ban an nih thu ziaakin hemi House-ah hian min hriih a. Chu
chu vawiiinah khan a awm tawh lova, marawhchu khang lo awm
tawh si pawisa tam tak khata lo luang ral bawk si kha a awm thu
khata zawhbelhna ah khan a awm a. Ka han hriatchian duh a
chu kum engzatnge heng bogus M/R hi rawih an lo nih tih a
kha kan zawhbelh ang e.

PU K. T. ROKHAW : Pu Speaker, M/R a thawk PWD hnuai
ah hian kum 2000-2001 inkarah
hian engzahnge ni a, tin a mihring
awm si lova M/R a thawk anga hlawh
la reng te an awm ani tih sorkarin a hria em ? Hria nise
action a la dawn em ?

PU R. TLANGHMINGTHANGA : Pu Speaker, tuna kan chhanna tur
MINISTER zawhna Bogus M/R rawih a la nei
em ? tih chu 'Nei lo' tih a ni.
Tin, a hma a bogus M/R lo ruai dik
lova, lo la hmuh anih chuan action lak ani ang tih ka sawi
duh a. Tun kum 2001 chhung hian engzatnge rawih tih kha a
chhanna chu kum 2001 January khan 2173 rawih an ni a. Tunah
chuan maintenance a rawih hi 98 in an tlem zawk tawh a, tuna
Muster Roll chhawr lai kan tarlan atang hian sanction work
atana an chhawrlai te chu hna an zawh rual a ban leh mai an
ni zel a. Maintenance tan bik erawh hi chuan Muster Roll

rawih hi a tul zel avang hian chumiah chuan 2075 te hi road maintenance a a tlachawp leh thawh reng ngai te, building maintenance atan te rawih an la ni a. Chumi atan chuan a Dan ang leh a tul anga rawih chhoh an ni e.

S P E A K E R : Tunah Starred Question 72 na zawt turin Pu Zakhu Hlychho ilo sawm ang.

PU ZAKHU HLYCHHO : Pu Speaker, ka zawhna Starred Question No. 72-na Health & Family Welfare Minister chhan atan ka zawt e.

S P E A K E R : Pu Lalchamliana, Minister in-charge in han chhang sela.

PU LALCHAMLIANA MINISTER : Pu Speaker, Saiha bialtu zahawm tak zawhna chhanna chu hetiang hi a ni.

Kum 2000 - 2001 chhunga Drugs related thil avanga Mizoram chhunga thi zat kan hriat theih chu hetiang hi a ni. Kum 2000 Calender year chhung khan 139. Tin, 2001 Calender year chhung khan February thla pum thleng khan mi 12 an ni a. Tin, Pu Speaker ka han sawichian duh chu Health & Family Welfare Department hian Drugs leh a kaihnawiha thi hi kan lo chhinchhiah lova. Chuvang chuen, zawhna kha in pekchhawn theih a ni si lova. Excise Department-ah kan zawt a, hei hi Excise Department atanga kan information hmuh dan a ni e.

PU R. TLANGHMINGTHANGA : Pu Speaker, keini chuan kan nei
MINISTER lova, chuvang chuan khalalaia zawhna
kha tunhma thil PWD chhanna a ni
em aw ? ka hre lo a, khalalaia bogus
M/R lo ruaitute chungchang kha chu ka hriatpui lo ka ti....

PU F. LAL THANZUALA : Pu Speaker, zawhbelhna Pu Speaker,
PWD Department tho a ni a, Ministry
hmasa a mi pawh nise a inzawm vek
thova. A sual emaw a diklo emaw
kha chu a inzawm vek tho a ni. Tunah he zawhna hi unstarred
question member zahawm tak Pu Zaku-a zawhna a ni a. Financial
year kum 2000-2001 chhung M/R ban a zawhna a chhanna a ni a.
Engpawh nisela, PWD a mi tho a ni a. Chutianga kan rawih,
kan rawih loh tih theih ani lova, PWD ami tho kha a ni. Tah
hian Chiang takin a in ziak a. A chhanna hi chu chu a nia.
Chuvang chuanin action a lak leh lak loh hi ka zawt duh a.
Action a la lo anih chuan engahnge hetiang sorkar pawisa
nasa tak mai tibo tu hi, tibotute chungah hian action a lak
loh hi engvang nge ni ? tih ka zawt duh a ni.

PU LALRINZUALA : Pu Speaker, Tuna kan ngaihthlak
ang khan tun mai chhanna kan hmuh tun
kha ania, kha Session hmasa maiah
khan. PWD atangin 500 chuang bogus
M/R ban an nih thu ziakin hemi House-ah hian min hrih a. Chu
chu wawinahn khan a awm tawh lova, marawhchu khang lo awm
tawh si pawisa tam tak khata lo luang ral bawh si kha a awm thu
khata zawhbelhna ah khan a awm a. Ka han hriatchian duh a
chu kum engzatnge heng bogus M/R hi rawih an lo nih tih a
kha kan zawhbelh ang e.

PU K. T. ROKHAW : Pu Speaker, M/R a thawk PWD hnuai
ah hian kum 2000-2001 inkarah
hian engzahnge ni a, tin a mihring
awm si lova M/R a thawk anga hlawh
la reng te an awm ani tih Sorkarin a hria em ? Hria nise
action a la dawn em ?

PU R. TLANGHMINGTHANGA : Pu Speaker, tuna kan chhanna tur
MINISTER zawhna Bogus M/R rawih a la nei
em ? tih chu 'Nei lo' tih a ni.
Tin, a hma a bogus M/R lo ruai dik
lova, lo la hmuh anih chuan action lak ani ang tih ka sawi
duh a. Tun kum 2001 chhung hian engzatnge rawih tih kha a
chhanna chu kum 2001 January khan 2173 rawih an ni a. Tunah
chuan maintenance a rawih hi 98 in an tlem zawk tawh a, tuna
Muster Roll chhawrlai lai kan tarlan atang hian sanction work
atana an chhawrlai te chu hna an zawh rual a ban leh mai an
ni zel a. Maintenance tan bik erawh hi chuan Muster Roll

rawih hi a tul zel avang hian chumiah chuan 2075 te hi road maintenance a a tlachawp leh thawh reng ngai te, building maintenance atan te rawih an la ni a. Chumi atan chuan a Dan ang leh a tul anga rawih chhoh an ni e.

S P E A K E R : Tunah Starred Question 72 na zawt turin Pu Zakhu Hlychho ilo sawm ang.

PU ZAKHU HLYCHHO : Pu Speaker, ka zawhna Starred Question No. 72-na Health & Family Welfare Minister chhan atan ka zawt e.

S P E A K E R : Pu Lalchamliana, Minister in-charge in han chhang sela.

PU LALCHAMLIANA
MINISTER : Pu Speaker, Saiha bialtu zahawm tak zawhna chhanna chu hetiang hi a ni.

Kum 2000 - 2001 chhunga Drugs related thil avanga Mizoram chhunga thi zat kan hriat theih chu hetiang hi a ni. Kum 2000 Calender year chung khan 139. Tin, 2001 Calender year chung khan February thla pum thleng khan mi 12 an ni a. Tin, Pu Speaker ka han sawichian duh chu Health & Family Welfare Department hian Drugs leh a kaihnawiha thi hi kan lo chhinchhiah lova. Chuvang chuan, zawhna kha in pekchhawn theih a ni si lova. Excise Department-ah kan zawt a, hei hi Excise Department atanga kan information hmuh dan a ni e.

PU ZAKHU HLYCHHO : Pu Speaker, zawhbelhna, Hei thil hi zawhna han siam dan tur pawh a har ang reng khawp mai. Drugs avanga thi O.D. emaw kha chu lehlamin an lo hria a nih pawhin Drugs kaihhnawih avanga thi ka han tikherna chhan kha chu khami Drugs avanga damdawiina enkawl a thi kha an lo awm ve leh thei bawk si a. Chuvangin a khawi lam a mi nge record hi mumal zawk ang tih hi ka zawh lai pawhin ka mumal thei lo reng a ni. Chuvangin ka rawn zawh belh duhna chu, hetiang record hi damdawiin hian a la nei lo a nih pawhin a nei tur awm ber an ni mai lo maw ? a siam thei ber an ni mai lo maw ? Tin, kan Finance Minister budget speech ah hian hetiang lam hi priority pek an ni ang tih a rawn tarlang a. A lawmawm hlein ka hria a. Chutiang ni ta sela, engtiang hawi zawngin nge priority hi pe ta sela Sorkar hian hma a lak ang tih ka zawh belhna pakhat ni ta sela. Tin, pathumnaah chuan total prohibition avang hian Mizoramah drugs hi a tam a ni tih hi khawlaia ti ti leh sawi dan ber hi niin ka hre ve thin a. Hei hi a dik thei ang em tih kha ka zawhbelh duh a. Tin, sorkar hian hemi dona kawngah hian engtiangin nge tunah hian hma a lak mek zel tih kha ka rawn zawhbelh bawk a ni.

PU L.N.TLUANGA : Pu Speaker, Drugs addict enkawlina hmun hi kan sorkar hian a buatsaih em ? Khawi hmunah te nge a buatsaih ?

PU K.T.ROKHAU : Pu Speaker, Zu chhe in avanga thi zat hi eng zah nge an nih. Total Prohibition avanga drugs a tam ani an tih hi Sorkarin a dik a ti em ? a dik a nih chuan total prohibition hi engtia kalpui nge a tum.

PU LALCHAMLIANA MINISTER : Pu Speaker, ka veilama thu hian han chhang sela, a chian zawk chu ka ring deuh va. Engpawh nisela, Saiha bialtu zahawm tak, zawhbelhna pakhatna kha, damdawiin in hetiang hian record a siam thei em ? a ti a. Damdawiina thi hi chu damdawi In hian record an nei a ni. An thih chhan te, T.B. an nih pawhin T.B. tih te, tin, Drug abuse avanga thi nia an rin te pawh kha a awm vek mai a. Amaherawhchu, kha khan a picture pumpui hi a lantir lo thin a. Thenkhat chu damdawi In-a lut lova lo thi te an awm ve thei bawk si a. Zing a lo muhlum ringawt mai tih te kha a awm ve tlat mai a. Damdawi In-a thi chin kha chu record chu an nei ve thin a ni, a pumpui chuan an nei lo. Engpawh nisela, record fel tak kan neih chu atha khawp mai. Tin, hetiang drug abuse chungchang hi kan Sawrkar hian a ngai pawimawh viau mai a. Hei, member zahawm tak Pu C.Sangzuala ho ten khatiang ho kha tihdam theih an ni em ? tih te beiseiin a enkawl a, a ngaihtuah a, chutiang chuan hma an la a. Tin, Sawrkar hmasain Sethawnah De-addiction Centre te a lo siam a. Khang te pawh changtlung lehzuala siam turin hma a la mek tih kha Health Department lam atangin kan hriatpui ve a. A chhan chu, Doctor te, Nurse te kha deputation in kan han dah ve thin a. Chuvang chuan kan hre ve ri ai ruai a ni.

Tin, total prohibition avangin drugs a tam tih hi, kei chuan ka chhang thei lo ni sela. Titi chu a tam khawp mai. Tin, Sawrkarin engtingge hma a lak zel ang tih kha Excise lam sawi hunah la chhan ni thei ta sela, tha in ka ring a. Tin, Tlungvel bialtu zahawm tak zawhna, Drug addict enkawlina hmun hi buatsaih ani em ? tih kha a chhanna chu, Sawrkar hmasa atanga lo buatsaih pawh Sethawn-ah tih a ni a. Chulo pawh chu hmundangah a remchan dan ang zela siam tum ani tih pawh beng chuan ka lo hre ve. Tin, Tuipang bialtu zahawm tak zawhna kha, a figure ka lo nei mai lova, chu chu zu chhe in avanga thi kha ka chhang thei lo nisela. Tin, total prohibition avanga drugs tam tih kha chu, ka chhan tawhna ang kha ni mai sela a tha awm e.

S P E A K E R : Starred question No.73-na zawt turin Pu R.Lalzirliana i lo sawm ang.

PU R. LALZIRLIANA : Pu Speaker, General Administration Department changtu zahawm tak Minister chhan atan Starred Question 73-na -

Sawrkar in Sub-Division Headquarters Civil hmun tura ruahmanna a neih khua-te kha SDO dah theih a ni dawn tawh em ? tih ka zawt e.

PU ZORAMTHANGA CHIEF MINISTER : Pu Speaker, heng Civil Sub-Division hi SDO te an Staff-tenen dah an nih theihnan hma lak mek a ni a. Chiang lehzual deuh hlek in ka din takah chuan han sawi belh law law pawh ka duh a. Hemiah hian a vai hian a rual chuan kan tipuk thei lo ang a, amaherawhchu, kan theih ang chin chin hma han lak chhohna tur pawh file-te move-in; khanga an S.D.O. turte leh an Staff-te pawh tunah hian an kalchho mek a. Amaherawhchu, harsatna kan han neih deuhhlekk chu, Staff-te D.C. hmun thar a mi dah tur kan han transfer-te Court-a kal a, Court-ina Stay Order a rawn ken khan, khang khan tlemin min tithuanthu deuh a. A dang han kal lehna turah pawh khan Staff-te han siksawiah hian problem a awm thei mai awm mange tih venthawna avangin, khang khan tlemin a speed a timuang ta a. Amaherawhchu, tunah hian kha Court Order pawh kha rawn tihfel niin helamah hma a lak leh theih ta chiah a. Chuvangin hei hi chu hma a chak thei ang bera la turin file kal tawh nasa mek a ni a, thui tak a thleng tawh a. Hei hi chu a vaia vawikhata kan tih theih loh pawhin reilote-ah thla hnih/thum hnu-ah chuan a then hi chu kan implement ngeiin kan beisei.

PU N.K. CHAKMA : Pu Speaker, Supplementary zawhna, Tlabungah Civil Sub-Headquarters ah hian SDO dah tumna a awm em ? Awm ta se, engtikah nge ? Tunah A.D.C. hi S.D.O. in-charge in a awm a, amah hi promotion pek tumna a awm em ? tih ka zawhbelh a ni.

PU J. LALTHANGLIANA : Pu Speaker, S.D.O. te hi vawi leh khatah tih thut theih ani lovang, vawi leh khata posting hi tih thut theih ani lovang tih kan ngaithla a. A priority basis a tih dawn hian, entirnan, ka bial West Phaileng te chu Law and Order-ah problem kan nei nasa em em mai a, ramri hrulte a lo ni a. Chuvang chuan tih hmasak turah hian West Phaileng-te khu S.D.O. dah hmasak turah hian tih theih ani ang em ? tih kan zawt teh ang.

PU P.B.ROSANGA : Pu Speaker, ka bial Ngopa-ah Civil Sub-Division Office tur Rs.35,000/= In an sak tura ruahmanah Contractor ruahman an thawhtir chuan cheng nuai 7 vel sengin Assam Tupe building in a sa tih sawina a awm a. Hei hi kan Minister zahawmtak hian a hria em ? tih kan zawh belh duh a ni.

PU N.P.CHAKMA : Zawhbelhna, a in relevant tho in ka hria a. Chawngte Civil Sub-Division SDO Pu Lalrema hi promotion a ni a, mahse reilote ah ban a ni si a, cancelled a ni si a. Engatinge khatiang MCS Officer a prestige pawh khawih a nih. Hetia promotion an pe a, reilote-ah an cancelled leh a, engatinge ni ?

PU R.LALZIRLIANA : Pu Speaker, Session hmasa lamah khan heng hi Vairengte, Khawzawl Saitual tihte Phaileng te hi kan dah thuai ang tih kha a awm a. Mahse, thuai ang tih hi vawiinni-a thleng a. Adviser to C.M. te sign Board tarna turte en in Saitual-ah te chuan a han kal tawh ani. Chuvangin, kan Chief Minister zahawmtak hian tun thla 2/3 chhungah chuan kan beisei tih kha kan dah ngei ang tih hi min tiam thei lawm mawni le ?

PU ZORAMTHANGA : Pu Speaker, a hnukungber kha CHIEF MINISTER han chhang hmasa ila. A tih thuai hi keini pawn kan duh a. Kan sawi tawh ang khan lehlamah Court ah te han kal a, a stay na te an awm hian kan control na piah lamah thil a awm thin a. Tunah hian File move a, khami File move kha SDO te kan dahna tura kha engemaw a kal chak theihlohna chhante a awm thin a. Hei hi tunah chuan a clear chho tawh viau a. Kan theih ang tawka hma-a tih kan tum a ni. Mahse, a Timing tur erawh chu sawi thiam a har viau a. A hma thei ang berin thla 2/3 chhung chuan tihhram kan tum tih kha min lo hriat sak sela.

Tin, Tlabungah SDO puitling dah tum ani a. Kan process mek tih kha kan sawi duh a.

West Phaileng kha min ngai pawimawh em tih kha kan ngai pawimawh nasa. Khawthlang lamah Law & Order-te, International Border lam hnaite ani a, kan ngaih pawimawhte zingah a tel a ni.

Ngopa-a insak chungchang kha chu tlemin PWD leh thildang nena in connect deuh ania, Ka hrechiang yak lova. Kan lo endawn nia.

Tin, Pu Lalrema Promotion cancel tih chungchang kha chu a chhan chi hrang hrangte a awm thei a. Kha kha chu dan ang taka kan service tihdan pangngaia thil tih hi a chang chuan a tul thin a. Problem awm engnge ni, a thar dah dan tur tih kha, ka sawi ang khan kan process mek a. Tihfel thuai kan tum tih kha chu kan chhanna ani e.

PU NIRUPAM CHAKMA : Engvangnge cancell a nih ? tih ka zawt duh a ni.

PU ZORAMTHANGA CHIEF MINISTER : Pu Speaker, Sub-Division Dan bu a nia. Mimal promotion cancell na chhan kha chu House-ah pawh han tih vek kha sawi pawh a nuam lo thei ang a.

S P E A K E R : Civil Sub-Division pawimawh zual Vanlaiphai angahte chuan an dah vat dawn a nih awm kha maw. I kal zel teh ang.

Starred Question No.74-na zawt turin Pu K.T.Rokhaw i lo sawm ang.

PU K.T.ROKHAW : Pu Speaker, ka Starred Question No.74-na, Minister i/c Public Works Department chhan a tan

(a) Chief Minister Bungalow thar sak nan engzat nge a vaia senso zat ? tutenge Contractor an address nen. Engzah amount theuh nge an hna hi pek an nih hlawm ? tih ka zawt e.

PU R.TLANGHMINGTHANGA MINISTER : Pu Speaker, Pu K.T.Rokhaw, MLA zawhna chhanna chu hei hi a ni e.

Chief Minister Bungalow thar sakna ah engzatnge a vaia senso ? chhanna cheng vaibelchhe hnih nuai sawmkua panga singthum sang nga zanga sawmruk pahnih a ni a. Tutenge Contractor leh Address tih chhanna Civil Works-ah leh Internal Electrification-ah khan, Civil Work-ah khan Pu Hmingthanga, Electric Veng a ni a, tah chuan nuai 246 ninety three point four one six (93.416) a ni. Tin, Air conditioning-ah khan K.C. Enterprise, Chaltlang a ni a. Tin, Internal Electrification ah chuan Departmental-a thawhchhoh a ni. Tin, engzat amount nge an hna hi pek a nih hlawm tihah chuan Civil Works ah khan kan sawi tawh angin cheng nuai 246 singli sangthum zali sawmparuk a ni a. Tin, Air Conditioningah khan nuai sawm pasaruh

singhnih sangthum zasarih sawmthum (Rs.17,23,730/-) a ni e.

PU K.T.ROKHAW : Pu Speaker, kan Chief Minister Bungalow original Estimate hi engzat nge ? tih leh kan Chief Minister Bungalow ah hian A.C. dah a ni em ? tih ka zawt a, a pathumna ah chuan Pu Speaker, i hnenah pawh vawitam kan sawi tawh a, he House rorelna sang berah hian Air Condition dah turin vawitam kan thlen tawh a, nang pawhin P.W.D. Minister hnenah i lo thlen tawh thu min hrilh a. Engatinge vawiin thlenga dah a la nih loh ? dah tur nise engtikah nge an dah theih ang tih leh dah ni ta se engzat Estimate nge ni ang ? tih ka zawh belh e.

PU R.TLANGHMINGTHANGA : Pu Speaker, tuna ka chhanna ah MINISTER khan A.C. dah a ni a, tih kha ka chhanna nghal a ni a. Tin, Original Estimate chu cheng nuaih sawmli pasarih singli sangruk sawmriat pakua leh point sawmnga panga a ni.

Tin, tunah hian a bill la pek loh, a vaia tana ruahman-sa awm chu cheng vaibelchhe hnih nuaih sawmthum pali singli a ni e.

COL.LALCHUNGNUNGA : Pu Speaker, Original Estimate kan hria a, engtizia nge khati em em a a tam tak ? Tin, chulo ah chuan air condition kha engzatnge dah a nih ? tih ka rawn zawt e.

PU K.T.ROKHAW : Pu Speaker, kan Minister zahawm tak khanin hemi House-a air condition ka zawh kha min la chhang lova, khawngaih takin min chhang hram teh se.

PU R.TLANGHMINGTHANGA : Pu Speaker, kan Speaker thahnem- MINISTER ngaihna in Assembly-ah hian air condition dah ngei tha a ti a. Chumi atan chuan ruahmanna siam chhoh ani bawk a. Tin, chumi atana ruahmanna chu Capital Project Fund atanga tih tura tih a ni a, chu chu he fund hi kan hmuh veleh Assembly House ah hian Air Condition hi dah tum a ni.

Tin, Chief Minister Bungalow a Air Condition dah zat chiah chu tunah hian Pu Speaker a zat chu ka sawi mai thei lova, amaherawhchu, a tul dan ang zat kha a room zau dan leh a tet dan leh a mamawh dan ang khan air condition chu dah a ni e.

PU H. RAMMAWI : Pu Speaker, Capital Project Fund atanga he House Air Condition tur ruahmanna pawisa hmuh loh tih kha kum 2000-2001 chhung hian Capital Project Fund atang hian kan Sorkar hian pawisa a hmu lo em ni ?

S P E A K E R : Chhang turin P.W.D. Minister i lo sawm leh ang.

PU R. TLANGHMINGTHANGA : Pu Speaker, Member zahawmtak MINISTERS Pu H. Rammawi rawn zawhna kha beisei rengin kan awm a, vawiin thleng hian khata tan khan kan la hmu lo a ni.

Tin, Original Estimates leh tuna mi hi a va inthlau ve tih kha a in thlau reng a. Member zahawmtak Pu Lalchungnunga rawn zawhna kha a len pawh a lian in tih belh tam tak a awm a, churang chuan a ruahmanna hmasa kha dukhawp loh anih avangin chumi chu a chhan pakhat ani a. Chu lovah a quality, material hman te, Khang pawh kha a improve chho ani a. Air Condition chungchangah leh Material hman chungchangah a size ah leh khami material inthlahna kha a tlangpuin a amount rawn tidanglamtu ani e.

PU ZORAMTHANGA : Pu Speaker, a hminga House CHIEF MINISTER Leader nihna ah leh a hrechiantu ka nih avangin kan member te hian engemaw information an hriatlawk ka duh a, helai original estimate pawh lakh 47 lek mai si, lakh 200 leh tih a lo kal chho mai ta hi a va mak em em ve tih kha tih awm reng pawh a ni a. A tir ber a mi kha chu a chhawn pawh chhawng lo two bedroom a siam a ni a. Chief Minister two bedroom-a awm tur kha chu IAS Officer pawhin an duh loh a ni a, a ngaihna a awm lo reng reng a. Churang chuan hei phehi hi chu kan hun hma daih ani a, Extension tih tur a ni a, rangva in a piyah ah an extend ta a. Tichuan engemawti len len khan a lian lehta viau a. Tichuan a original a rangva chih mai tur a lo duan a kha ngawi rawh u, heti zel chuan nakumah pawh kan hmun thaber a ni a, ground floor pakhata hetia rangva chih tawp mai zawng, a bang design a chhah tha si a, chhawngnih tal ground floor leh first floor tal nisela, nakin zelah pawh Chief Minister

Bungalow a ni emaw, thildangah kan hmanh duh emaw, a uihawm lutuk e, i ti law law ang u, two floor talin awm sela tih keiman ka rawt avangin two floor in siam ani ta a. Tichuan, a step kalchhoh dan a pawh kha thlak danglam nual ani reng a ni. Chuvangin tupa fiamthu emaw pawh, "ka mikhualpa dam-dawi hi lei teh u, India siam ani a, an thiam loh a leiah an pawlh tak erh a nia" a tih ang deuh khan, a tir original kha a tet luattuk a vang khan a extend-na kha a rawn chhawng leh ta lo thei si lova, a lian em em mai a, lehlahmah chuan luahsen lohin hall zau pui pui te kha a keng tel ta lawi bawk a, chuan a inphuahchawp chho zel a, chuvang chuan a amount hi tihsan tak ani a, a luathu tan pawh luahsen rual loh khawpin a rawn kal chho ta a, kha kha.....a kha an thiamloh a lei ah an pawlh tak erh ta e, tih ang deuh khan a tet luat a leiah a lian ta phian mai a, khami avang khan a size pawh a lo lian chho ta ani e.

S P E A K E R : Starred Question No.75-na zawt turin Pu Zakhü Hlychho i lo sawm teh ang.

PU ZAKHU HLYCHHO : Pu Speaker, ka zawhna Mizoram Sorkarin Residential Science College din a tum kha khawiah nge a din ? Minister zahawmtak Higher & Technical Education chhan atan ka rawn zawt e.

PU B.LALTHLEGLIANA MINISTER : Pu Speaker, Member zahawmtak Pu Zakhü Hlychho zawhna chhanna chu hetiang hi a ni. Mizoram Sorkarin Residential Science College din a tum kha khawiah nge a din, kum 2000-2001 session atangin Residential Science College hi Government Zirtiri Residential Science College vuah ani tih kha ka chhanna a ni.

PU VANLALHLANA : Pu Speaker, Zirtiri Residential Science College kha a dinna hmun tur a rawn sawi a. Saw saw nakin zel tur atan a hmun tur nghet ani em ? Nge ni a, he College atan hian hmun tha leh zau zawk leh remchang zawk Sorkar hian a ngaihtuah em ?

PU J.LALTHANGLIANA : Pu Speaker, Zirtiri Science College ah hian zirtirtu engzat nge awm a, zirlai engzatnge awm ? Chutih rual chuan 2nd leh 3rd year hi tah sawn an zirtir em ? Nge College dangah an zirtir ?

PU ZAKHU HLYCHHO : Pu Speaker, zawhbelhna. Hei Residential College tih hi enge a education term ah hian a tum tih thleng hianin Directorate lamahte ka zawt a. Residential han tih hian a tum niawm tak chu Hostel leh a facilities keng tel College emaw sikul emaw hi a kawk ani tih min hrilh a. Chu chu anih dan tur reng pawh niin ka hria. Anih leh tuna kan Residential Science College din tumna hi a ram hrim hrim pawh sawn a keng zo em ni ? Nge hmundangah kan Sorkar hian dah a tum zawk ? tih ka rawn zawt belh duh a. Tin, ka hriat dan a dik chuan, ka rawn zawhna chhan tak pawh a ni a, 1st year chiah hi Zirtiri College ah hian an kai a, 2nd year Aizawl College ah an kai a, Practical hi Khawilai College ah emaw an kai tih hi ka hriat dan ani tlat mai a, chuvangin kan education hi kan kalpui chuan kan tichhe lovang maw ? Chuvangin heng practical class te 2nd year leh 3rd year te hi khawiah nge an kal tih te ka rawn zawh belh duh a ni.

PU B.LALTHLENGLIANA : Pu Speaker, Member zahawmtak tak tena an rawn zawhbelhna kha zawh belh awmtak a ni a. Thil, bul intan tur a ni a. Kan hriat theuh angin Zirtiri Women's College kha, a residential College kan han thlak dawn pheih kha chuan naupang sawmkua vel chauh an nei tawh a, building te reuhteah an awm a, hetia Residential Science College-a kan han din takah hian a building sakthat chhoh a ni a, a hnuaiah floor pathum a awm a. Tunhmaa Principal leh Office chungah a chung floor khuhna leh a bang pin chhoh mek a ni a. Chungte avang chuan kan zirlai neih zawng zawng vawi leh khatah kan accommodate mai thei lova, chuvang chuan tunah hian Home Science leh Iyr B.Sc kan kal tir a, tin, Practical pawh sawlai Govt. Aizawl College Practical room tunah hian kan hmang mek a, amaherawhchu, sawmi kan building saka saw June/ July thla hma-a zawh vek kan tuma, chumi hnua chuan Govt. Aizawl College-a mi zawng zawng hi lakthlak vek tur a ni a, tin, practical roomah pawh tuna Zirtiri College piah lawk a Home Science-in Practical Room-a an neih chung saw sakbelh tum ani a. Chutiang chuan floor pahnih pathum Ground Floor nen a lo ni ang a, room pawh indaih thei tura ngaih ani a. Chulaiah chuan dahthlak tum ani a. Tin, a hmun chungchangah tun a mi sawn a zolo ani tih kan hriat avangin tunah Department-in hmun tur an dap mek a. Tuna kan en mekah chuan Mualpui ramah sawn, Selem Veng V.C. hovin Freeland zau deuh mai kan nei a, hei hi hmantheih anih chuan hman nisela, tiin thu min rawn rawn a. Kei pawhin ka ve en a. Amaherawhchu, a hmun chungchangah tlem a buailai deuhhlekk a awm vang leh a ramri bawr vela in hmun pariat vel lak belh a ngai a, chu chu kan V.C. te kaltlangin dawr mek a ni a. Sawmi saw kan tifel thei anih chuan sawlai hmunah sawn Residential Science College hi siam tum a ni a.

Zawhna zawttu zahawmtakin a rawn sawi ang khan he Residential Science College in a tum a chu Boys and Girls Hostel te, Administrative Building, Laboratory Building te, tin Staff Quarter te pawh changtlung tak a sak tum a ni a. Chutiang zawng chuan tunah hian kan sum neih ang ang mi ram kan hmuh velleh inbuatsaih turin kan Department lam a in buatsaih chho mek zel a ni. Chu chu tuna he residential chungchanga kan hmalakna a ni a.

Tin, Class tina zirtirtu awmzat leh naupang zawm zat kha chu tunah ka chhang mai thei lova. Member-te khan min lo hrethiam ula.

PU LALRINZUALA : Pu Speaker, kha Minister zahawm tak chhanna kan hmu a, infrastruc-
ture engmah peih awm silova
Residential Science College kan
ti a, kan han hnuk thlawk rum rum kha engnge ni a hmanhmawh thlakna em em ? chhan kha ka zawt duh a. A pahnihna-ah chuan tuna chhanna kan ngaihthlak-ah khan Residential Science College kha a hmunah khan'building kan sa mek a' a ti a, chutih lai chuan sa sawna tur kan zawng mek a' a ti baw si a. Kan sa zo anga hmundangah a building chawp khan kan suan dawn nge ni a, engngeni khalaiah khan ka sa mek baw si a, a hmundang kan zawng mek baw si a. Nakinah khan engatan nge kan tih ang ? tih kha kan zawt leh duh a. A pathumna-ah chuan, Zirtiri Residential Science College ah kha chuan First year chauh kan zirtir ani tih kha kan ngai-
thla a. A dang zawng kha hmun dangah kan dah a, Aizawl College ah khan, chuti anih chuan administration kha a buai duh hle turah kan ngai a. Khalaiah khan engtingge Zirtiri Residential Science College Principal hnuai ah khan Aizawl kha an va command ta zawk nge ? Aizawl College khan engtingge an kalpui tak ? Ngaihtuah chian khan a buai tawh tawh in a lang a. Khalai administration ah khan engtingge an tih ? A building saw an va insem nge ni a. Hmun hma kha engtingge an tih ? An kaldan kha min hrilhfiah deuh se, a va tha em !

PU B. LALTHLENGLIANA : Pu Speaker, kan buai hma deuhhle-
MINISTER thin a. Hei Mizoram Campus NEHU
te pawh tunah hian funfe lo deuh
in veng hrang hrangah building
luah in an la kal a ni a, kum 10 (sawm) chuang a kal tawh a. Heng Institution Mizoram a kan din dan reng rengah building nei changtlung sa in khawi institution mah hi siam ani ngai lova, a hrechiangtu vek kan ni a. Tuna College building changtlung tak kan neih Pachhunga University College te pawh hi a tirah chuan miin luah a kaw kawi an ni tih kan hria a. Chung chu anih avangin keinin Residential Science College kan han din pawh hian Mizoram Sorkarin sum harsatna an la neih.....

PU ZAKHU HLYCHHO : Pu Speaker, Class kai leh mi College-a va kai kha a dang daih. Kan Minister khan kha kha chu hria se. Mi in luah a, hire-a class kai kha chu mi administration hnuaiah College dangah an kaitir em ni ?

PU B.LALTHLENGLIANA : Pu Speaker, khatiang a nih avang MINISTER Khan keini Zirtiri Residential Science College chuan mi in luah lovin keimahni buildingah kan zirtir reng a. Mahse, a building sak chungchangah Zirtiri Women College building kha tun hun atana engemaw tia hman theih tawk tawka a la awm avangin 1st year Home Science zirtir nan kan hmang a. Tin, a sak belh zela kha a hmundang kan zawng a tih laia kha chu saw building saw lo sak laklawh kal mek a ni a. Chumi kalzel chu chhonzawm a ni a, hmundang kan hmu a, kan insawn a nih pawhin Aizawlah hian hei kan hriat angin Thingtlang atangin Zirlai tam tak an rawn in chhungkhawm a. Mi inluah leh hmun hrang hrang ah an awm khawm a. Chu chu kan hmuh avangin tunah hian Mizoram Sorkarin Boys Hostel tur chu Luangmualah kan sazo thawkhat tawh a, Session lo awm turah hian chuan an luah thei turah kan ngai a. Khu khu Residential Science College hi kan hmu a, hmundangah kan sa thei a nih pawhin Girls Hostel leh thildang atana hman turah kan rilru chuan a duahman a. A hmanna tur hi Department-in an hai lovang tih ring ila, a thain ka ring a.

Tin, Aizawl College-a third year leh 2nd yr kal tih kha chu a teaching staff khan Zirtiri Women College-ah attendance an nei vek a, khulai atang khuan tlaiah practical ti tur ho kha Bus-in Aizawl College-ah phurh chhoh an ni a. Tin, helai 3rd yr leh 2nd yr zir ho kha chu khilaiah Zirtiri Residential Science College Principal hnuaiah class an han la a. Helaiiah hian a thawktu te leh Principal inkar ah engmah bahlahna leh harsatna a awm kan hre lova. A zirtirtute pawhin complain an neih kan la hre lova. Chu chu kan kalphung a ni. Hemi chungchangah hian kan theih ang tawkin hma kan la chho zel a. Tuna a awmdan kan han hmuh mai aia phuisui leh changkang zawka tih thuai tuma hmalak a ni.

PU L.N.TLUANGA : Pu Speaker, Hon'ble Minister School Education chhan a tana ka zawh duh chu Starred Question No. 76 a, b & c te hi an ni. Ka lawm e.

PU F. MALSAWMA
MINISTER

: Pu Speaker, zawhna 1-na chhanna
Post create tawh si dahkhah loh
hetiang hi a ni -

- 1) Govt. College - 13
- 2) Higher Secondary Schoolah..69

2-na chhanna -

Govt. atangin hnawkhah phalna a awm rih loh
vang a ni.

3-na chhanna.

Phalna neih a nih hunah hnawkhah tum a ni.

PU L.N. TLUANGA

: Pu Speaker, zawhbelhna. Kan
Education Department hianin
School leh College hi kan
ngaihthah deuh emaw ni chu aw

ka ti a. heng hnaruakte hi hnawkhah theih rih loh pawh
nise, Secondary H/S ah ngawt pawh hian Principal neilo 8
an awm a. Govt. High School ah 33 Headmaster neilo an awm
a. Zirtirtu qualified thawk mek si Headmaster awm tak tak
te pawh an awm a, a thawk mekte pawh hianin Headmaster post
te hi an chelh thei lawm ni ?

PU LALRINZUALA

: Pu Speaker, hnawkhah loh kha
College ah 13, Higher Secondary
School ah 69 tih a ni a. Zirna
in a tuar tham dawn hle in a

lang a ni. Kha kha chu engvangin ge hnawkhah phalna kha
kan pek loh ? Engnge ni a chhan tih ka zawt duh a. Sum
leh pai chu a nih kan ring lo phawt a, a chhan chu kan
House Leader in a tam thu min hrilh min hrilh si a. A chhan
dang a awm ani phawt ang a. Engnge ni a chhan tih kha kan
zawt teh ang.

PU J. LALTHANGLIANA

: Pu Speaker, nikun Higher Sec-
ondary result kha a chhe em em mai
tih kan hre theuh ang a. Kumin
hian eng tak ang maw, a la chhuak

leh lova. Chuvang chuan Private School-ah te hian engtirnan,
English Medium School tha tak tak te private in a awm a.
Hengah te hian Class XI, XII zir tur hian phalna pek engzat
nge awm tawh a, tin, chubakah chuan private College engzat
ah nge nia hemi Class XI leh XII zirtirna phalna kan pek ?
tih hi kan zawt duh a ni.

PU VANLALHLANA : PU Speaker, nikum lamah khan College-a 10+2 zirtirtute hlawh kha rei tak mai kha Sorkarin an ba a. Tin, naupangte pawhin chawngheiin an nawr a, khatiang kha a ni a. Khami hnuah khan 10+2 zirtirtute hlawh hi Sawrkar hianin engchenge a bat, a pe tawh e ? a pe a nih chuan engtikahnge a pek ? tih kha kan zawt duh a. Tin, Sawrkarin-a Education Department a bikin zirtirtute a enkawl dana hi a khamawm loh hle mai a. Zirtirtute hi Sawrkar hian a tiduhdah a ni, an hlawh a pe tha lova, an MR (Medical re-imburement) a phalsak lo bawk a. Chuvangin kan ramah Education hian tunah hian a hniam phah chho dawn, a result a lanna chu nikumah Secondary result a chhe em em a ni. Chuvangin Sawrkar hianin engang in nge kan zirnate improve turin hmalak a tum tih kha kan zawt teh ang ?

PU H.LALTANPUIA : Pu Speaker, budget bu kan han en chuan 'Other expense leh Office Expense' velah khan Govt.Primary School tan tun kumah hian Rs.1,00,000/- dah a ni. Primary School 893 kan awm a Mizoram pumptuah. Tichuan thlakhatah hian an Office in enkawlina tur zawng zawng, a stationery zawng zawngte nen thlakhata an pawisa neih theih zat chu Rs.9.25 a ni. Hetiang hian kan School Education Department hi kan sawisa reng dawn em ni. Rs.9.25 hian sikul pakhat hi thlakhatah an in manage thei dawn em ni, tih kha in managed thei turin kan ngei em ni tih kan zawt teh ang ?

PU ZAKHU HLYCHHO : Pu Speaker, kan Minister zahawm tak khan heng Higher Secondary High School-ah te khan fix a rawih mek an awm a ni tih a sawi a. Tin, an hlawh turte pawh Sorkarah proposal a thehlut mek a, chu chu an nghak a ni tih a sawi a.

Hei, Sorkar hianin Labour & Employment Department a nei a. Regular appointment ni lo, Daily Wages ang chi hi chu hemi Labour & Employment in a an hlawh tur a fix ang hian an la tur a nia. Education Department hian hetia ro hran an rel hi a dik thei dawn em ni ? Skill hlawh a awm a, Unskill hlawh a awm a, Semi-skill hlawh a awm a, chutiang chuan Labour Department hian a duang si a. Mahnia khatia a hrana an hlawh tur a rawt ta mai a kha, engnge ni an rawt theihna dan kha kan zawt a ni.

PU F.MALSAWMA : Pu Speaker, a hnukung lam atang MINISTER khan tan ta ila. Saiha bialtu zahawm takin an sawi kha. Nia

Labour & Employment in a a tih a hi Muster Degree nei te, Rs.105/= tih a kha a tlem lutuk nia hriat a ni a. A lehlahm ah ve thung erawh chuan officiating te hi an pay scale leh half allowance an ni thih a, chu chu Sorkarin an lo thanhnan deuh avangin senso a tam duh a. Chuvang chuan, kha vang khan a inkarah Sorkarin decision siam a tha lawm ni tiin Finance lam atangin a lo kal a. Kan sawi tawh ang khan tunah kan Chief Minister hnenah a File a thang mek a ni. A hniam zawngin kan lekhathiamte hi i kalpui ang u tih memberte rawt anih erawh chuan ngaihndan kan la siam ang a. A tlem lutuk nia kan hriat avangin a minimum rau rau-ah a tih theih dan a awm lawm ni tia ngaihtuahna a kal mek a ni.

Suangpuilawn bialtu-ina Primary School tena Rs.1,00,000/- awma hemi O.E. bik atan Sikul pakhatan hian Rs.9.25 chauh awm tih kha a dik a. Tuna a landanah hi chuan. Mahse, Fee hi tlema collection eng eng emaw hi siam leh turin ngaihtuahna kan neih pui mek a. Harsatna tiang ang an neih hi chuan a sutkianpui dan tur chu zawn tur a ni mai a. A overall-ah.....(Interruption).

A contribution eng eng emaw kha chu lak ve ngaiin kan hria a. Hei hi Fiscal Reform-in rawtna a rawn siam avanga lo kal tur a nia. Chu chu Sikul in-a an indaihlohna chu Department in a ngaihtuah pui zel a ngai a. Chumi kan ngaihtuahpui si loh chuan tihdantur kan ngaihtuah a ngai a. Chalk bung pakhat pawh leina tur nei lova an awm kha chu a theih lova. Department in a kawng a zawng ve mai a ni.

Tin, Lungpho bialtu in Plus 2 College a mite hlawn kha hemi College 13-a plus 2 class hawn mek a te hi hlawn.....kan hriatsual loh chuan an la tawh a. Sanction pheih chu kar hmasa lamah khan keini chuan tihfel vek a ni tawh a. Kan hriat danah chuan an la tawh hlawn niin kan hria.

Tin, Phuldungsei bialtu zahawm tak khan private te hnenah hian permission hi pek ve phal a ni em tih a zawh a ni a, pek a ni. Tunah hian School pathum velah chuan a tlem berah pek an ni tawh a. Chubakah chuan a duhte tan chuan hei hi pek zel tum pawh a ni a. Tin, private College ah hian 13 ah tunah hian plus 2 zirtirtu an ni a. Tin, kumtharah pheih chuan College ah hian zirtirtu te an chuang tawh a. P.U. Class thin kha tuna pawl sawm pakhat leh sawmpahnih hi School lama a beh tak avangin College ah zirtirtu an chuang nasa a, an tam tho a, naupang an tlem si a. Chuvang chuan theih ang chin chinah College lamah pawh hian heng class te hi kal tir a zirtira a Board erawh chu MBSE ah examna conduct nisela tih ngaihtuah mek a ni a. Chu chu kumthar atan hian sawipui turin buaipui tura chhawp mek a ni.

Tin, Buarpui bialtu zahawm tak khanin engvanga la hnawkhah loh nge tih kha chu, a tir ber 1996 tuna mite Sorkar hma khan an fill up tura an selection committee an buaipui khan a dahkhahna tur an hmukim lova. Chu chu a hnuah dahkhah turin ruahmanna siam leh a ni a. Chumi hun chhunga Recruitment an siamah khan a hun a lo liam leh tak hman avangin tunah hian chu chu tih thar leh mek a ni a. Finance Department in pek phal lehna a rawn siam leh hun hunah hei hi chu Recruitment siam leh tur a ni a. A pumpui thu-a heti zozai a ruahna chhan hi chu Finance Department atang leh DP & AR atang-tea phalna a lo kal rih loh vang ani tih hria ila. Chu chu a pui ber chu a ni e. Tin, zawhbelhna hmasa ber Tlungvel bialtu zahawmtak zawhna kha chutiang tho chu a ni a. Tunah hian a head bik a te chu kan sawi tawh ang khan court case te a awm avangin anmahni ah hian conflicting interest a awm a. Chulaia chu uluk taka court thubuaite a awm tawh lohna turin duanthat mek a ni a. An Seniority te, chutih fual chuan MPSC ah ngaihtuah that theih tura an din hunah a rangthei ang ber a hei hi chu tikhah tum a ni a.

S P E A K E R : Question hours a tawp tlat mai. Tunah chuan kan list of business No.2-ah kan kal tawh ang a. Pu H.Rammawi, Chairman PAC 8th Report of Public Accounts Committee relating to Power & Electricity Department hi House ah rawn present sela.

PU H.RAMMAWI : Pu Speaker, i phalna leh House remtihna in Mizoram Public Accounts Committee Report pariat (8) na he House zahawm takah hian ka present e.

S P E A K E R : A copy kha han sem nisela, PAC te hian hna an thawkchak khawp mai a. House-ah pawh report tam tak hei lo pawh hi an la pe dawn a ni. A lawmawm hle a ni. Tunah chuan kan List of Business pathumna (3) ah kan kal tawh ang a. General Discussion on the Budget tih a ni a, kum 2001-2002 kan budget general discussion kan tan dawn a ni. Thusawi hun chhung hi dan in Speaker kuta a pek angin 15 minutes kan bithliah ang a, mi pakhat tan. Hei kan Leader of Opposition a awm lova, a tlangpuiin thusawi hmasa-ah hian sawm a ni thin a. Mahse vawiin hian thil tulbik avangin a absence tlat mai a. Nachina kan sawi tawh ang khan member-te duh duh han ding teh u. Pu H.Laltanpuia hi a phar hmasa tlat mai.

PU H.LALTANPUIA : Pu Speaker, ka lawm e, Vanduaina avangin kan Opposition Leader a awmlo hlah mai a, paw ka ti hle a. Tun tum kan budget hi Non-plan, Eleven Finance Commission te leh Planning Commission te atangin engkim a figure kan lo hmu thei ta a, a lawmawm hle in ka hria a. Mahse Central Sponsor Scheme lampang hi chu a figure hi hriat theih ala ni lo a, a awm viau a, mahse budget bu han en hian a ruagam a lo lang thei zelin ka hria a. Kan budget bu hi a vaiin tuna Demand for Grant zawng zawng hi cheng vaibelchhe sangkhat za sawmli pariat zet a lo ni ta a. Kan sawi duhlai chu Pu Speaker, Sorkar sum kan ruahmanna dan hrim hrim ah hian development pawisa development Capital thil rotling siamna tur ang hawi zawng hian budget bu hi a langlo hle in ka hria a. Non-plan Expenditure ah chuan a vaiin cheng vaibelchhe 723 kan nei a. Chuta vaibelchhe 723 kan neih ah chuan 63% hi Sorkar hna-thawk hlauh te, leiba ruhna tur te leh Sorkar inrelbawlina turah 63% hi kan dah a, non-plan expenditure atan chuan a awm tho mai. Amaherawhchu, a tam lutuk ka ti deuh a, hei hi Pu Speaker, kan sum harsatna te leh development a hma kan lakna tura chak taka kan kal a ngaih baw si avang hian.

Tin, Pu Speaker, plan-ah hian a lo lang chu tah hian cheng vaibelchhe 424 a lo lang a. Tah hian a revenue expenditure ah kanti dawn nge, Sorkar hnathawk te hlauh leh khatiang zawng zawng si ah khan plan hnuai-ah pawh hian cheng vaibelchhe 270 hi kan dah leh ta a. A rotling tak tak siamna tur budget atanga ram ro siamna tur puitling tak takah hian cheng vaibelchhe 111.4 chiah hi kan dah leh thung a ni. Chumi awmzia chu Pu Speaker, kan sum, plan sum, plan ruahmanna zawng zawnga 9.7% hi development tak tak siamna tura hmanah ani chauh a ni. Hei hi a paw ka ti a, hei hi kan revenue expenditure sang lutuk hi kan Sorkar sum hmandan a hrisel lohzia leh a dik taw loh zia leh mipuite hnen thleng phak, mirethei zawk thleng phak a nih loh zia hi he kan budget bu han en hian a lang chiang hle in ka hria a ni. Entirnan, plan sumah te chuan, plan ruahmanna reng rengah chuan mipuite hnen thlengphak leh rotling, ram ro tak tak siamna tur ang zawnga hi kan kalpui tur leh India Sorkar laipui pawhin a duh dan a nih rualin hemi zawng zawnga 9.7% chauh mai kan ram rotling siam theihna tur atana kan han chhep chhuaka hi a tha lo hle in ka hria.

Tin, Pu Speaker, kan sawi leh duh chu Budget kan han pharh reng reng hian, helaiah hian kan House Leader zahawmtak leh kan Finance Minister ni baw, a speech ah te zawng zawng hian 99-2000 ah te 2000-2001 ah te, 2001-2002 ah te hian Sorkar hian tum a nei a, priority a nei a ni arawn ti thin a. Amaherawhchu, Budget bu kan han en apiang mai hian kha Sorkar in a top priority a pek, entirnan ei leh bar a intodelh chungchangah hei hi sorkar in kan policy No.I a ni a. An sawidan ah phei chuan kum 3 chhungin intodelh kan tum ani an ti a, vawi 3 budget hi kan pharh ta a, helai House-ah hian, vawih ah erawh chuan intodelh chu sawi loh, a kum tel-in ei leh bar ah WRC kan thar te, chumi atanga kan thar te a tlem tial tial a.

A chhan leh vang nia ka hriat pakhat chu, tun tum kan budget ah pawh hian han en ila, ei leh bara intodelh kan tih dawn chuan Agriculture Demand ah hian 1999-2000 khan kan Annual Expenditure chu Budget Estimates leh Revised Estimates ah hian Rs.3003638.93 ani a. Tin, 2000-2001 Budget Estimates ah hian Rs.2000153.02 ani a. Revised Estimates a kan kalna nen a valin an actual tak chu Veibelchhe 2950.56 ani ta a. Heta 99-2000 aian 2000-2001 hi a tlem zel a, a tlahniam zel a, tunkum ah chuan estimates lo lang chu 2000-2001, 2001-2002 ah chuan Rs nuaih 1976.60, ei leh bar ah kan intodelh ang ti si engvangin nge kan priority ah hian pawisa hi kan dah tlem tial tial bawk si. Kan thusawi leh kan thil tih hi a va in ang lo nasa ve tih hi ka sawi duh a. State Sorkarin a ni emaw, ram pakhat sovereign state pakhat ani emaw, priority tumbik a neihna ah chuan sum hi an dah tam thin a ni ngai a. Keini hi chu a letling zawng hian kan kaltlat mai a, he sawrkar hi mak ka tih loh theih lohna pakhat a nia. Tin, tunah hian kan budget kan demand for grant ah. Hian Agriculture Department hian za zelah 12.06 hi a la a, kan budget pawisa hi.

Tin, Education leh Sports hian leh Higher Education te pawh ani ang, a pathuma inbelhkhawm hian za zela 16 chiah hi a chang bawk a ni. Tin, pawimawh em em mai ka tih Power & Energy chungchangah za zela pariat chiah hi a lo lang bawk a. Chuvangin hetiangah budget kan en hian leiba pung rulhnan za zela sawmpakhat an dah a. Administrative Service atan za zela sawmpali an dah bawk a, Transport atan za zela pasarih a khawi ber hi nge Mizoram Sorkar, kan sawrkar hian he MNE Ministry kaihhruai hian mipui te hi kalpui min tum, engkawng nge kawhhmuh min tum le, kan sawi ber ei leh bar a intodelh kan tih a pawh chu kan budget bu a han en chuan a kum a telin a tlahniam zel bawk si, hei hi hriatthiam har ka ti a, he sawrkar ka rin-tawk lohna pawh hi he kan budget bu ah hian a rawn tichiang chho zel in ka hria a. Heti a nih chuan mipui ten khawiah nge rinna kan ngah tak ang a, kan sawrkar ah hian le. Kan top priority, ngaih pawimawh ber ang ah pawh sum leh pai kan dah tam tial tial a nih loh mai piahlamah kan dah tlem tial tial a nih laiah tih hi ngun takin min ngaihtuah pui ka duh a, chutiang bawk chuan Horticulture Department ah pawh Pu Speaker, kan tlahniam tial tial zel a. Entirnan - 1999-2000 ah chuan Cheng nuai sangkhat zathum sawmli pali leh point sawmruk pakhat ania. Tin, 2000-2001 Budget Estimate ah chuan sangkhat zahnih sawmli pahnih ani a. Tichuan Revised Estimate ah hian sangkhat zahnih sawmli leh point sawmlih pakua. Tun kumah chuan nikum kan Budget Estimate ai hniam daih sangkhat sawmsarih leh paruk leh point sawmriat, a tlahniam zel ringawt mai a ni, Agriculture leh Horticulture ah hian. Khawi hi nge maw kan kalpuina tur le - Kan Budget Speech leh Governor zahawmtak Speech te kan en chuan ei leh bar a intodelh hi kan top riority ani kan ti bawk si a, hriatthiam har ka ti a.

Tin, chutihruai chuan Pu Speaker, hriatthiam har ka tih leh pakhat chu he kan Agriculture Demand ah te hian han en neuh neuh hian a hna tak tak thawhna tur ani nge ka hre lo, material supply lamah hian pawisa hi kan dah uar em em mai a, hei hi engti zai zia nge ka ti ? Material supply lamah hian pawisa hi kan ren lo em em mai baw si a. Entirnan, tunkumah hian Control of Shifting Cultivation Plan hnuai ah nikum leh kum hmasa ah pawh awmlo, material supply na tur atan cheng nuaih za sawmhnih pahnih kan han dah a. Tin, Pu Speaker, Revenue section ah hian Sub-Head 800(03) 3811-NWPR Macro-Management ah hian Material supply hi nikum Budget Estimate ah singhnih kan dah a, Revised na ah khan nuai 3301 in a lo pung ta a nih chu. Chutiang baw chuan Pu Speaker, a hnuai-ah hian WDPACA ah baw 3817 sub head ah tho hian nikumah 20,000 budget estimate ah kan dah lain revised estimate ah chuan 2218 material supply revise ah kan han dah leh a, a dang pawh a tam mai Pu Speaker, material supply lamah hian kan va tui em em ve. Tah hian rinhlelh thil a awm a nilo maw ? Mi rinhlelhna a pe tlat a ni. Material supply hi kan hriat theuh angin Mizoram-ah khawi department atang pawn a ni, eirukna leh corruption tamna berte zinga kan ngaih a nih thin kha Pu Speaker. He Agriculture department ah hian ei leh bara intodelh chu sawi loh, a materials supply lamah hian kan uar em em mai si a.

Hmundang Social Welfare ah te, Sports ah te, MLA tena kan facilities ve anga kan ngaih Football kan sem theihna tur te, Dekchi kan sem theihna tur te pawisa ren em em si dah ngai baw si loh, he House ah ngei pawh Session hmasa-ah Sports materials chungchangah thahnemngai takin kan sawi a, dah theih baw si loh, mahse a ngai leh Horticulture department ah material lampang supply tan la em em mai si te hi Pu Speaker, rinhlelhna tak mi a pe lo thei lo a ni.

Tin, Pu Speaker, kan sawi duh chu fiscal reform Committee kha nichin khan kan Minister khan a rawn sawilang zawk a. Hei Fiscal Reform Committee-ina an ngaihtuah dan tur kan lo ngaihtuah chu Sorkar petrol hmandan turte a control ang a, Stationary hmandan te, lei dan te a control ang a, tin, thil tam tak Sorkar expenditure a review-na tur a zawng ang a. Chutih rual chuan tax te pawh a awm tawk te chu a la tur a ni. Chu chu kan ngaihtuahna a niin ka hria. Amanerawhchu, Fiscal Reform Committee-tena an han tih ah chuan kan hre ta a, nichinah kan Minister khan a rawn sawi a. Primary ah Compulsory leh Free Education an neih theihna turin India ram policy ah hian engvanginngge khatia naupang rethei tak tak te, thingtlang rethei tak tak te, kekawr mawngpawp bel bunga School kal te engvanginngge fee khawn an tum a, an inenkawlna tur khawn an tum ? Engvanginngge Fiscal Reform Committee hian a recommend ? Thil rapthlak tak ani Pu Speaker Dan an pal zut baw a ni. India ram pumpuih Primary chu Compulsory and free education a ni.

Tin, chu lo lehah chuan

Pu Speaker, kan sawi leh duh chu khatiang lampang Sorkar lam inhrekbeh aiin mipuite, retheite, thingrem mawng zen a, an pawisa neih chhun laksak hi Fiscal Reform Committee tum em ni ? a din chhan em ni ? Pu Speaker ani theiin ka ring lo a ni. Chumi piahlam Chief Minister zahawmtak hian Budget Speech ah a rawn sawi a, kan sorkar driver te, privatisation kan tum avangin Sorkar driver te, Voluntary retirement pek kan tum a, a hna hnuaihnuung/hniam zawkte Voluntary retirement pek tum a, Fiscal Reform Committee rawn recommend a hi a rapthlak ka ti. A hna hnuaihnuung zawk tak tak te Driver bak thiamna neilo, eizawna neilo te, engatinge kan Sorkar hian ban kan tum, a dik lo tawp ani Pu Speaker, hengte pawh hi. Tin, khawngaih takin Pu Speaker hun tawite min pek belh rawh. Vawiin niah hei Pu Vanlahlana leh Pu R.Lalzirlana te zawhna Mizoram chung Treasury hrang hranga bill tang engzatnge tih nimirah a chhanna kan hmu a. Chumi chu ni 1.3.2001 tun March ni 1 ang khan Rs.58 crore aia tam a awm a. Pawisa a tam kan ti a Pu Speaker, Treasury hi kan khar reng ani lawm ni, Treasury kan kharlo te kan ti heng bill....

S P E A K E R

: Ngawi rawh Pu K.T.Rokhaw i ko ang. Hun hi ka pe tam viau che u a nia, in exceed leh zel chuan a dik lovang. Le, Pu K.T.Rokhaw ngawi rawh u, duh tawk tawh rawh u.

PU K.T.ROKHAW

: Pu Speaker, ka lawm e. Hei vawiina Budget General Discussion kan neihna turah hian a hmasa a han sawi ka duh chu engpawhnise,

Pu Speaker, idinglama thu te hian kum 2001 leh 2002 inkar hi chu rinthu in min kalpui tawh lo hram se tih ka duh a. A chhan chu nikum lamah khan thla 8 (riat) chung rinthu in min kalpui tawh a. Chuvang chuan hei vawiin niah hian Sawhthing leh thildangah kan buai tak hi. Chuvangin kan Sorkar hian rinthu in min kalpui tawh lo se tih a hmasa in ka rawn sawi duh a ni. Pu Speaker, hei Sawhthing loan hi chungkua 20,100 hnenah pek a ni a, chungkaw pakhatat Rs.5,000/- theuh pek an ni, chutah chuan hemi hi loan a ni a, ruh leh tur a ni a. Chubakah inhmun leh huan LSC te dahkham a ngai leh nghal a. Chu chu kan thingtlang lo neitute khawngaihthlak zia a lang a ni. A bik takin ka bial Tuipang atang hian hmutu an awm leh awm loh chu ka hre hauh lova, lo hmuve ta tehreng pawh nise, Tuipang atangin Saiha a ni, Saiha atangin Lunglei, Lunglei atangin Aizawl Hemi Rs.5,000/- la tur hian an rawn kal dawn, tichuan an haw lehna a ngai dawn a, Rs.1,000/- chuang sen a ngai dawn a ni. Tichuan Rs.3,000/- leh tlem an nei dawn a, chumi chuan engtingge chungkaw chawmna turin Sawhthing an chin puitlin theih ang tih hi ka zawhna a ni a.

Tin, Congress kan Sorkar lai khan NLUP kan ti a, tuna i dinglam a thu te hian NLUP kha Nunning Lal Umchhuak Policy min ti a. Vawiinah hian kan policy hi a thatzia hi Mizo mipuiin kan hmu chiang a ni. Keini chuan Rs.30,000/- a thlawn in kan pek a, chumibak ah an chinna turin tin 5 hmun ram kan pe tel bawk a ni, ruluh ngai map lo a ni. Thenkhatte phei chuan NLUP ah hian hlawhtlinna tha tak vawiin hian kan hmu a ni. Mahse, thenkhat te chu an hlawhtling lem lo. Mahse, kan pawisa kha thingtlangpa hnenah an kutah ngei a lut a ni. A engpawhchu nise, thil dang leinan emaw an fate phaia lehkha zir hote thawntur emaw ah pawh lo hmang tehreng mahse Rs.30,000/- kha thingtlangpa kutah a lut a ni. Mi tam tak an hlawhtling a, a rah pawh kan seng mek a ni. Vawiinah hian Sawhthing loan sangnga hi NLUP thlakna tur policy a nih hmel a. Chumi Rs.5,000/- chu loan a ni lehngal a, LSC dahkham a ngai a, ruluh leh tur a ni bawk si, engtingge Mizo mipui thingtlangpa lo neitute hian dinchhuahnan an hman ang ? Hei hi chu thil mak tak a ni Pu Speaker.

Tin, Pu Speaker, Sawhthing loan latute hian khaw thenkhatah phei chuan MNF pa hnenah lei kher tur tih a ni. PC pa leh Congress pa in leitur lo nei mahsela, MNF pa hnenah lei kher tur tih a ni. Kg-ah Rs.10/- in P.C. pa leh Congress pa in Rs.7/- a an tih pawhin MNF pa hnenah lei kher kher a ngai. In awih loh chuan Phullen khua-ah hian in Block hruiatupa ngeiin min hrilh a ni. Chuvangin vawiinah hian hemi rorelna hi Socialist angin ro kan rel a ni. Hei hi chu engpawh ni sela, i dinglama thute hian lo en sela, a tha in ka hria.

Tin, Pu Speaker, hei Planning Board kan nei a, Planning Board a kan Vice Chairman hi thiamna a kan chhuanvawr leh mithiam Legislator zingah chuan kan ngaihsan em em a ni. Tichuan Planning Board-ah hian Memberte, kan mithiam chhuanvawr Prof.Tlanglawma te, Dr Lianzela te ho an ni a. Keini helai Opposition a awm hote pawh hian hemi Board an lo siam tan tirh khan MNF Ministry hian hnathawh a tum tak tak ani tih kan lo ngaihtuah ve, an Board Member te leh Vice Chairman-te en hian. Mahse Pu Speaker, vawiinah kum 2 leh tih a kal tawh a, eng nge vawiinah hian an hnathawhna, Board Member an ruat khan a term tirh te in kan Chief Minister Planning Chairman hian Board Memberte ko khawm a thingpui an in hona chuan self introduction an nei a, chu chiah chu an ti a ni. Tichuan chumi zawhah MNF Ministry in a MPC hote an pawh hnu khan kan Vice Chairman hian a kokhawm leh ta a, Board Memberte thingpui in leh self introduction bak engmah an ti bawk lo.

Chuvangin, Pu Speaker, Planning Board hian an hnathawh awm chhu chu vawihnih an Board Memberte ko khawm a self introduction leh thingpui in ho kha ani mai. Chuvang chu ani ang Pu Speaker, a dik tak chuanin vawiina kan Education Minister hi Education Minister-ah pawh experience nei tawh kan mithiam, a department tan pawh thahnemngai tak ani a. Mahse kan question a

chhanlai a hmel ka en khan a khawngaih thlak ka ti. A chhan chu a staff ho hlauh thla thum lak tur a awm dawn lo a lawm. Thla kua chauh hlauh tur a nei a, thla thum hlauh a awm lova, a khawngaih thlak em em a ni. Engatinge pawisa tam ti siin Education Department hetiang taka pawisa kan pek tlem ? Engatinge kan ren em em ? Dik tak chuan hotu thenkhat te phei chuan, kan Minister hian a hria emaw ka hre lova, an chalk leina tur pawh a awm lova, sikul naupang te thawhtir an tum a sin. A ni a sin chu chu maw vawiin ah hian pawisa a tam em em a ni kan ti dawn em ni ? Chuvangin kan Education Department hi a khawngaihthlak lutuk. Minister pawh hian pawisa a awm loh chuan engnge a tih theih chuan ang ? Hengte hi Planning chak loh vang a ni.

Tin, nimina kan sawi, Budget Committee te pawh kha, engatinge a through loh ? Hei pawh hi Planning te Finance te inthlahdah luat vang a ni. Chuvangin Planning ho pawh hi an inbihchian a ngai khawpin ka hria.

Tin, Pu Speaker, Agriculture Department ah hian Seed leh Seedling ah hian Crore 4 nuai 488 sen a ni a. Horticulture-ah hian nuai 129 sen ani bawk a. Vawiinah hian chumi a seed leh seedling chu phun ni ta sela, Mizoram pawh hi a khat hial awm e ka ti. Mahse, Pu Speaker, hmuh tur a awm lo. Chhinguipui a leilet thatna ber, Phura Zawl, ka biala mite ngei pawh saw pakhatmah hmalak na a awm lo. Pu Speaker, Agriculture-ah hian Aizawl West te, Kolasib te, link road leh Land Development ah nuai 60 te, 50 te pek a nih lain Chhinguipui Agriculture District chu nuai 3 pek kan ni. Pu Speaker, hetiang tak hian in thliar hranna leh inenhranna a awm thei dawn em ni ? A na ka ti a sin, vawiinah hian Agriculture Department Director ah O.P.Singh an dah atang hian Mizoram tan thahnem a ngaih loh zia a lang a, Mizopa ngei R.Thansanga an paih a, O.P.Singh vai an dah a. Vawiin ah hian a son of the soil loh chuan kan ram ten hian tunge thahnemngai em em in thawk ang ? Engatinge R.Thansanga mi chak em em, Director an paih chhuak a, Additional Secretary an dah a. Additional Secretary hlauh a la em ? A la lo, Director hlauh a sin a lak ni. Pu R.Thansanga Agriculture Director chu Additional Secretary ah dah chhuah a ni a, Additional Secretary hlauh pek ni bawk si lovin, a hmunah O.P.Singh-a an dah ta a ni. O.P.Singh a hian Mizoram leh mipui hi a hmangaih em em ka ring thei lo. A dik tak chuan Omar ngei pawh Soil atangin an dahchhuak a, chutah chuan Pu Sailo Director-ah an dah a ni. Tunah Omar kha an la let leh tawh a sin, engatinge R.Thansanga an laklet loh ? Mizoram mipui leh Mizoram tana thahnemngai taka chawk tur chuan Mizopa hi an ngai a sin. Hemi an thil tih dan atang hian a hriat theih ma i a lawm. Chuvangin, Pu Speaker, kan Chief Minister hi Neihbawih-ah Farm a nei a, chumi a farm ah chuanin Angle Iron tlawn 700 vel Agriculture Godown atangin ni 24.3.2001 ah khanin an la chhuak a ni. Motor Number pawh R.V.1520 Agriculture Department ta a ni. Tichuan Angle Iron hi tlawn khat Rs.630/- man a ni a, tlawn 700 chu nuai 4,40,100/- a ni. Chuvangin, Pu Speaker, kan Chief Minister-in Budget Session kan neih laia hetiang thil a ti ta mai a hi a mak a ni. Pu Speaker, nang chu

midik i ni a, thil dik i duh a lawm, Chief Minister meuhin a hetiang a ti ngam a nih chuanin engtinge Minister-te chu a control thei teh reng ang. A lu ber a dik phawt tur a sin. Chuvangin, Pu Speaker, a tawp nan MNE Sawrkar chhung hian thil thar kan hriatte chu Pu Speaker, Taxi rawng a dum ni thin kha a var a thlak, chu chu an hmalakna pakhat. A pahnihnaah Town Bus ni thin kha City Bus tih a ni tawh. Tin, a pathumnaah chuan Chhimituipui District chhunga Contract leh Supply hna zawng zawng Aizawl leh Lunglei mite pek. Tin, a palinaah chuan Zokhawpa tharchhuah Sawhthing leisak tiama leisak leh thei bawk si lo, a tawpna-ah chuan a thu-a pawisa tam em em a tak pawisa lawm si lo te hi thil thar thlengte chu a ni e. Pu Speaker ka lawm e.

PU L.N.TLUANGA : Pu Speaker, hei kum 2001 leh 2002 Budget chu pharh a niin kan han hmu ta a. Kan pawisa beisei zawng zawng chu cheng vaibelchhe sangkhat leh za leh sawali leh pariat a ni a. Chumi zingah chuan kan State-ina chhiah a khawn ve tur vaibelchhe 49.68 a tel ve a, za zelah 4.4 kan thawh ve dawn a ni. Kan pawisa hman tur zawng zawng a kan chhut-ah hian Mizoram-ina kan thawh ve tur chu za zelah 4.4 a ni.

Tin, hemi sen dan tura a landan tlangpuiah chuan-in Sorkar hnathawk leh Office senso, Non-plan kan tih ang chi atan hianin vaibelchhe 723 hman tur a ni a. Chu chuan kan Budget za zelah 63 a hmangral dawn a ni. Tichuan, hnathawhna tura ruahman chu Budget pumpuiah za zelah 37 chauh a ni ta a. Cheng vaibelchhe 424 hi hna-thawhna tur, Development-na tura hman tur niin a lang a, chu chu za zelah 37 chauh a ni. Tichuan, kan Budget pumpuiah hian Development kan tih aiin hlawh atana kan senso tur chu a sang zawk hle a, chu chuan kan Budget a chhiat zia, a hniazia, mipui chanvo a tlemzia a tilang hle in ka hria.

Hetia deficit reng, nia kan lawm reng nia, kan la ni chho dawn mek zel a. Tuna kan Budget a a lan danah pawh hianin, tehkhin nan sorkar hnathawk pakhatin Rs.100/- chiah hlawh a lak hian Rs.3.31 a hlawh atan ka puk chawp zel tihna a ni. Tin, Budget hi a pumpuiah Sawrkarin a ngaih mawh zawngte tihpuitlinna tur leh hnathawh na tur a ruahman a ni a. Mahse, kan Budget ah hian a pumpui kan chhiarin eng hi nge a ngaih pawimawh ber a langin ka hre reng reng lo. Ei leh bara intodelhte kan sawi khu vut a. A tak ramah tlem tial tial si a. Chutiingin, Power te pawh kan ngai pawimawh viauin kan hria a. A sum leh pai dah lam thlir chuan kan ngai pawimawh tawk lo tih a lang Chiang viau a ni.

Tin, Budget hi sawrkarin sum a lakluh dan tur te, chhiah lak dan tur ruahmannate a ni nghal vek a. Tunhnai te ah tui Bill te Electric Bill te, Bus Fare te, House Tax te Motor Tax te, ranchhiahte a hma a mi Rate chhutin nasa takin a pung a. Mipui tan phurrit

a tling a ni. Chutiang thil nepmawi te te chhiah kan lak ai chuan chhiah lakna awma ka ngaih ngawih ngawih mirethei ber pawhin in chhiah a chawi a. Sawrkar in lian pui pui tha tak tak chu chhiah chawi lovin kan dintir thup a. Mimal pawn Motor nei ila, road tax kan chawi vek. Sawrkar Motor zawnz zawnz a thlawnin an tlan hum hum mai te pawh hi dik in ka hre thei lo. Chuvangin, sawrkar hian chhiah lak pun thute an sawi a, ka pawn khawp mai. Mahse, hengte hi ngaih[?] tuah sela, chhiah lak dan tur tharte hi. Mipui phurrit lo zawnzin a hausa zawkte leh a sawrkar pawhin an chawi ve tur te hi ngaihtuah chhuak se ka duh khawp mai.

Fiscal Reform te kan sawi a. Kan Budget ah hian leiba ruhna turte pawh a lang a. Kan ram enkawlna sawrkar hnuaia thil awm-ah hian bihchian ngai tak tak awmin ka hria. Public Undertaking hnuaia Corporation awm zawnz zawnz ZIDCO te, MAHCO te MAMCO te ZOHANCO te MIFCO te ZENIC te heng public undertaking kan tih Corporation lian tak tak hi bihchian a ngai em em mai a. An din tirh atanga waviin thlengin an sum hman a tam. Heng hi a nihna takah chuan sundawng anga kal a pawisa siamchhuak a intodelh mai pawh ni lova, sum peipung tura beisei an ni. Amaherawhchu, waviin thlenga an dinhmunah chuan sumthuninu vek an ni. Tun maia kan zawhna chhanna example ah ZOHANCO Corporation zinga a te ber pawl chuan nikumah khan nuai sawmnhih paruk an hloh a ni. Chuti. a nih chuan kan Corporation dang zawnz zawnz pawh hi sorkarin sum a nuaitel tak meuh a bul a tan sak pawh a in enkawl zo lova, a kumtina a nuaitel hloh vek an ni a. Hengte hi sorkar in bihchiang se engtia tih tur nge tih pawh hi chhut a ngai a ni. Tin, kan sorkar Department tam tak te hi chu pawisa tipung tur chi an ni lo. Police te, Zirtirtute pawisa tipung tur chi an ni lo. Amarawhchu, Department pakhat State Transport tak mai hi State Transport te chu sorkar sundawna lian tak enkawltu an ni a. Tun maia kan zawhna chhuak ah khan nikum chung khan nuai 43 hloh ani kumkhatah. Bus leh Motor tha tak tak tam tak kan nei a. A kawng tha tha kan zawh a, kum kalta zawnz zawnz pawh khan a nuai tel tamfe an hloh ziah a. Chuti chung chuan kan sorkar hian kan State Transport te pawh hi siamtha tak tak se engtia tih tur nge ? Privatize a tha zawk mai lo maw ? Tunah tak phei chuan Minister thothang tha tak kan nei a. Theihtawpa a tang chungin kundang aiin hloh a titlem hret zawk nghe nghe a ni. Tin, Fiscal Reforms te kan ti a, sum renchem te kan ti a, a renchem dan tur tlangpuite kan sawi nual a, tun tum Session-a kan zawhna-ah khan Minister te kumkhat chhunga an telephone bill zat zawh a ni a. A chhanna lo chhuakah chuan thla sawmpahnih chhunga Phone Bill chu Maktaduai hnih nuanga singruk sangsarih zahnih leh sawnli leh pakua a ni. A tam fu mai a, mahai In-a phone hmang thang vek kan ni a. Amaherawhchu, Minister an nih tak avanga an thlakhat bill san dan em em hian sum renchem a tul zia hre ber an ni bawk a, renchem duh tak tak se a zatve velah hian an tlakhniam theih ka beisei a. Tin, Pu Speaker kan ram inrelbawlina chungchang thuah Planning & Implementation chungchang thu hi Planning Board pawimawh taka ka ngaih kan nei a. Amarawh chu an member thenkhatte ka zawt a, kum tam tak chhung khan Board lian tak Mizorama kan hnathawh tur pawimawh Department

lian ten hma an lak dan tur Plan te enpuia an ruahman fel
din diam tura ka lo ngaih a ni a. Amaherawhchu, a hmingin
kan ram in hma a sawn a, need base a kan kal tak tak theihna
tur chuanin Planning Board kan tih hian in tun aia hna thawk
tak tak in Department tinrenginva hmalak dan turte hi a
mamawh leh a tul ang zelin enpui tak tak se tha ka van ti em ?

Tin, sum leh pai Finance Depart-
ment atanga Department danga a in control danah hian.
Finance Department hi an ngeng lutuk deuh em maw ni chu aw ?
ka ti a. Hei Department Head te tu tu emaw ka han kawm a,
Department lu te hian Finance Department hi an in tlawnsiak
a ni ringawt mai a. Finance Department atang hian a hun
taka Department sum hman tur hi an release tlai em em a.
Department chuan an kut a pawisa hman tur awa hria in
release dil in Finance Department tlawnsiak a, tlai taka
sanction an han ni a. Chawp leh chilhin work order-te an
siam chawp chuk chuk a, chu chuan hnathawh tur a tibuai a.
Tin, lehlamah chuan corruption kawng pawh a hawng chiang em
em a ni.

Tin, tun tuma zawhna ah Mizoram
sawrkar in sum a bat zawng zawng zat kan zawt a chuta a puk
zawng zawng chu tluk leh dingawn li vaibelchhe tak khat,
vaibelchhe thum maktaduai khat singkua sangruk zasarih
sawruk a ni a. Kan ram mihring leh dinhmun ngaihtuahin a
tam em em ringawt mai a. Engtinge kan kalpui ang tih hi
ka suangtuah thiam pha mang lova. Engpawh nise tunah Budget
tha tak kan nei a, a hun takah kan pass ang tih pawh ka
beisei a, tunhma lama kan sum leh pai pilbo thin, chingpen
mai mai a tamzia kan hretlang vek a. Chutah chuan tuna kan
sorkar duhawm tak kan thawhpui te chuan an kuta sum awa hi
rinawm takin ram leh hnam tan hmang se ka duhin ka beisei
a, anmahni pawh ka beisei tak tak tlat a ni. Pu Speaker,
ka lawm e.

S P E A K E R : Tu nge sawi ve leh dawn ? a tawp
lamah kan innghak khawm leh ang
e. Record atan reng reng pawh
i wind up tir ang aw. In sawi
duh loh na na chuan. In sawi dawn loh chuan ka wind up
tir mai dawn a nia. Pu F.Lal Thanzuala.

PU F.LAL THANZUALA : Pu Speaker, ka lawm e, Budget
hi sorkar rilru lanna a ni a,
sorkar uar zawng te, a ngaih-
pawimawh zawngte lanna a ni a,
chu chu kan hre theuh hlawm a ni. Budget hi Sorkar rilru
lanna a ni a, chumi-ah chuan thil pawimawh tak mai ka tih
han lak chhuah ka duh chu, kan Sorkar hian Education ngaih
pawimawh nachang a la hre tlat lo hi a pawh tak meuh ka ti
a ni. Education hi mihring siamna a ni a, mihring hi a at
viau chuan a danga kha tha mahse, tha thei a awa tawh lo.

A at viau chuan chem kha mi sahnna a hmang ang, thil tangkai thawhna a ni lovin, a at viau chuan pawisa pawh kha hlimna leh lawmna kawng ni lovin a tha lo lamah zu leh sa nge mahni intihchhiatna lamah a kal ang. Tun thleng maia kan Sorkar in a Education Department a tihdan hi chu hnam boralna kawng a ni Pu Speaker, hnam boralna kawng a ni. Mihring chu tiang hian kan awm a, kan ban a pawimawh khawp mai a, kan ke te engkim a pawimawh. Amaerawhchu, a zavaia command tu chu kan thluak, kan ngaihtuahna, kan fin leh kan fin lohna lai kha a ni. Chutiang bawh chuan Sorkar-ah Department tam tak a awm a, an tulna mualah chuan an tul theuh a, amaherawhchu, khami a thawktu tur leh kha department te pawh tangkai taka siamtu tur chu mihring siam chhuaktu, kan fate zirtirtu, an nungchangte an thiamnate kha lama lo enkawltu Education Department a kha an ni. Kan kalphungah hian, kan ramah hian Department thenkhat chu an lian hle a, a lal pawh hi an lal i ti mai ang, an lal hle a, thu pawh an nei a, Super Department niawnte pawh hi an awm a. Tin, anmahni hote pawh hi Department dang chung a an han tawng dan te kan ngaihtuah hian an inti lal thawkhat in a hriat theih a. Amaherawhchu, heng Department sum leh pai chung a inti thunei tlat Department te ai zawk hian Education hi Super Department anih a ngai. Kan ram hi ram tak taka kan siam dawn chuan vawiin ni ah hnam hmangaihtute kalkhawm hian kan ngaihtuah tak zet zet hi a ngai a ni. America ram inthlan hmanni lawkah an zo a, an President thlan thar Bush an a a tih hmasak ber te zinga pakhat, lak luh a han niha a tuk lek maia a han tih hmasak ber chu School tlawh a ni. School tha taka siam a, tum thu leh mitin-te tana Education tha pek a tumzia thu kha a ti lang a, School a tlawh a ni.

Tin, America ramah khuan State 50 a awm a, khuta 45 vel khu chuan Education-ah hian pawisa an dah tam ber vek a ni. Sap ram Prime Minister Blair-a chuan Education hi kan Sorkar thinlung 'the heart of my Government' a ti a ni. Ka Sorkar lai mu, a Sorkar thinlung a pawimawh lai ber a ni a ti. Chutiang chu hmasawn tawh te kaldan ania, hengte pawh hi en a tha a ni. Tunah chuan kan budget ah hian Sport te nen inkawp-in Higher Education te nen inkawp-in, School Education te, hengah hian kan Budget 100 a 16 emaw erkawrh a awm a ni. Chu chauh ani lova, a lungchhiat thlak dan chu thla 9 hlawh an nei tih a ni. Khatiang khan kan ram hi engtinge kan kal tak ang le, thla 9 hlawh chauh nei nia inhria zirtirtute hian eng anga thahnemngai in nge thawk tura kan ngaih. Kan Emphasis a hi a dik lo a ni. Kan sorkar rilru lanna hi heti hi a nia, Kerala ah te chuan 100 a 40 te an dah a ni, Education tan hian. India ram State lian deuh pawhin 100 a 20,30 tal hi an dah a ni. Keini hi India ram lehkha chhiar thiam a percentage a sang ber kan nih hria hian kan muthlu dawn em ni le, kha kha a kawng a ni lo a ni. Hei hi chu kan Sorkar hi a kal zel ang a, hetiang dinhmun ah chuan kan zirtirtute hi dah tawh loh nisela. Rambuai lai 1966-67 vela Hnanthial tlangau chi ka rilru ah a cham reng mai a, Hnanthial ah chuan an au ta a, sorkar hnathawk zawng zawng tan Town Hall ah kalkhawm tur ani a, zirtirtute nen a ti a ni. Zirtirtu kha Sorkar hnathawk ah pawh an lo chhiar

maumal lo ani awm e, khatiang rilru kha tunthleng hian a la awm zel a. Tunah pawh hian Ram dinchhuahna tur leh Ram hmasawna atana pawimawh a thluak lai, a mihring siamtu tur Department zawng zawng zingah khawpkham lo berah, hna-thawhna tur, sikul sakna tur chu sawi loh, an hlawn pawh thla 3 hlawn lak tur nei lo sa angin an thuttir leh ta ani. Hetiang hi chuan ram ropui kan thlen ka ring lo.

Chuvangin, he Budget emphasize a hi a dik lo. Thil hi kan sawi a, a sawi hi kan thiam a, Mizo rilru ah chuan tawngkam tha in Sial a man an ti a, sawilam hi a tha a, a tak tak hi lo tlan chak deuh sela, a chakawm hle a ni.

Tin, ka point hnihna ah chuan, hemi kan ram dinchhuahna tak tak tur leh a kalzel na tur atana pawimawh em em MPSC chungchang thu hi sawi ka duh leh a, MPSC hi a pawimawh em em a, Officer chin leh hnasang deuh chin Recruitment te an lo ti a, duhsak bik nei lova mithiam/mitha kan mipuite enkawltu tur a lo buatsaih tute tin, promotion chungchang thu-ah te pawh uluk taka ngaih-tuah a ti chho tu tur te an ni. India ramah chuan hemi IAS hote hi bull work of Indian Administration an ti thin a. India ram inawpna a a ruangam pui a te kha an ni thin a. Chutiang bawh chuan kan MCS hote leh khangte kha an ni a, hemi ah hian kan sorkar hia fimkhur a ngai hle in ka hria a, vawiin niah he House zahawatak ah hian warning ka sawi duh a ni. Hemi ah hian kan unau hnaithe emaw kan thian hluite emaw khatiang consideration kha a awm tur a ni lo. Hei hi ka sawichhuah duhna chhan chu hemi a kan tihsual chuan kan ram kan ti chhe nasa hle ang. Thawh thiamlo tha lo zawk, khanghote kha an lut ang a, a tha zawk an chawl ang a, chu chuan consequence nasa tak nakin ah a la nei ang. Chhungkhat laina induhsak hun te chu a awm ve a, mihring nihphung a ni a, kan chhungkhatte chu kan duhsak tur a ni ve a lawm, mahse a vital point a pawimawh em em hnam chhiat leh thatna hmunah hi chuan kha kha lo kal tur a ni lo reng reng. Hei tunah hian engatinge Chairman pawh a awm loh, function tha thei lova a awm. Nichin kan Minister chhanna ah pawh khan MPSC a function loh avang khan helai eng eng emaw Headmaster tur ruat chungchang thua te pawh khan a rawn nghawng reng a ni. Ti ti lengvak te a awm thin a, thutak nilose a duhawm ngei mai. Kan Chief Minister thian hlui tih te, kan Minister chumi khami tihte a awm a, heng hi vawiin niah hian thudik-lo nise ka va duh em, chhungte nih vanga ruat loh tur zawng ani lova, mahse khalai ah khan enlovin, kan party mi tih kan party tantur pawh ni lovin mi efficient, contingent, a hnathawh record pawh ngaihtuah a mi corrupt lo anih a ngai a sin. Khang lo chhuak te kha mi corruptlo an ni em? tih te chhin tur a sin. Chutiang nilova thil kan tih mai mai chuan hnam pawh kan sawi dawn a ni. Hetiang chungchanga fimkhur ber tura ka ngaih chu Mizo National Front Party, Sorkarna tuna la-mek hi ani ngei. Mizo Party ber a inpuang te pawh an ni a. Khatiang dinhmaun ah khan kan ding. Chuvangin, ram hnuk kan then leh rual te kan lak luh lutuk na lamah hian engtin nge kan kal dawn tih te kan ngaihtuah a ngai. Chu chu ka

sawi duh a, hnam pawl kan khawih ang tih hi hlauhawm hle in ka hria.

Tin, pathumna ah ka sawi duh chu Pu Speaker, kan Budget ah hian Regional Bias hi awm in ka hria a, hei hi pawl ka ti hle a ni. Mamawhtu te tak tak ngaihsak aiin engemaw hi a tam in ka hria a. Kan ngaihtuah vang vang thin a, ka Bial ka ngaihtuah lo thei lova, ka Bial ah chuan Pu Speaker, I bial nen a inthenawm reng kan ni a, Vanlaiphai atangin a kal phei a, sawtah, Lungkawlh ah, Cherhlun-ah chutiang chuan a kal phei a ni. Khilai kawng khi a chhe em em a. Nikum phei kha chuan PWD Officer pakhat a kal dawn a, a kir tawp ringawt mai a, kal chi ah a ngai lova, amaherawhchu, Khawlian tak tak mi engemawzat a za tel sang te an la awm ve si, Budget kan en a, hnathawh dan tur te kan en a, kum engzatnge hrehawm an tuar dawn, Vanlaiphai leh Cherhlun inkar khi Km 26 emaw lek ani a, khi khi June - November thleng hi chuan nikhat-ah pawh a ban hleihtheih thin loh a ni, a karah zan....

PU F.LAL THANZUALA : A karah zante an riak a, mihring an nive a, chaw an mamawh, chu pawh chu an phur thei lova. Supply lam atangin contractor an han appoint ve ngei, a rate pawh kawng pangngai ah chuan a chhe lo, mahse wawi khat an han kal a, a karah zan an riak a, kawr thuk tak tak inthlur hi a ni ringawt mai si a, khatah khan motor a lo chhia a, a part an lei leh a, hlawnka reng reng an nei lova, an phur tha hlei thei lova. An mangang. Tlem laiah khan Thingsai VCP te, Bualpui VCP te, cherhlun VCP te, Ngharchhip VCP te an in hmukhawm a, an lokal pheii a. He kawng hi Motor lian pangngai a buhfai te pawh phurh thei thuai tura in siam loh chuan chaw kan nghei ang, kan haw tawh lovang tih rilru puin an rawn report a. Aizawlah an lokal a, kan hotuten an hria a. A, mi biang biak lamah hi chuan kan pute hi an chhuanawm a. Thiam takin an lo ti a, an lo tilungawi a, an hawng ringawt mai a. Mah-se engmah a awm leh silo, Ka bialte khi min han thlirpui ve se ka duh a. Hetia han sawi pawh hian lung hi a chhe thei a. Khatianga buhfai awm loh avang khan contractor dang an han ti leh a, a rate te an han titha leh a. Khatianga khan kan thil ngaihtuah danah khawi emaw laiah bul lem lo zawkah tha em emin kan han ti a. Lehlaham miin chaw an nghei lain, thi leh dam kara an len lai kha, khalam ti hma tur kha kan dah leh si lo hi budget awm dan diklo chu a ni. Kan hotute hianin Zoram pum hi thlir sela, khawi lai lai nge mamawh tih hi thlir sela. Chutianga ni lova khawi emaw laiah bel tawh sa mam taka tih ringawt nilo hian chu chu ka request takmeuh a ni.

PU C.SANGZUALA : Pu Speaker, ka lawm e, Din kan inchuh lo riau mai a. Khawhar Ina tuten emaw thingpui sem lai an chuh ang deuhvin, khawhar hnemah tlem-a Zawng kan sawi ve teh ang.

Kan hotuten kumhluia kan kal tawh dan te, kum tharah engtianga kal leh ila tha ang tih te kan tlin tawk tea an rawn tar chhuah kan en a ni a. Member thenkhat te atang chuan lawm thu sawinate pawh kan han ngai-thla bawk a. Khatianga lai tak mai a, rilru tak tak han sawite kha a lawmawm hlein ka hria.

Pu Speaker, Demand lamah te chip-chiar zawka sawi kan la duh ang a, tun tuma ka han sawi duh chu hei hi a ni. A hmasa zawka ka sawi duh chu lawmthu a ni a. Hei lawmthu sawina tur hmuin ka inhria a, a bu hi han an chipchiar hman pheii la, lawmthu sawina tur a tam awm mang e aw! ka ti a. Amaherawhchu duh angin ka la thlek lawk lo riau mai a. Lawmthu ka han sawi duhna hmasa chu hei buatsaih dan kawnga hmasawna tur a ni. Hei kum thumna tur ang a ni dawn tawh mai a. Kum kal tawh lamahte khan eng eng emawah heng kan budget ruahman tute, tin, a bu tak tak rawn siamtute, a bik deuh takin Finance Department lam pawh kan han innawr deuh tawn tawn thin kha a ni a. Chung chu rah nei lovin nge a awm, rah neiin tihte ni kan en tur

niin ka ring a. Tihura kan bat tawhte kha an ti em, an ti lovm? tih te tunah hian an sawi vak lova, chungah chuan tlem kan tarlang den den ang a. A hmasaberah chuan ni danga kan neih loh nia ka hriat, hmasawna kan hmua ka inhriat chu, hemi kan budget bu leh a behbawm ruahmannaah hian hmasawna a awm niin ka hria. Hei a bu tak tak, budget bu chu tunhma ami angin a awm mai a. Amaherawhchu hemi a hrilhfiah lehna explanatory memorandum an rawn siam hi, kum hlui nen kan khaikhin tak tak hman lo na a, amaherawhchu thil a chiang viau mai a, keini ang budget en ve thang mang lo, la mikhual deuh zawk tan pawh han man ve zung zung theih turin hmasawna a awm a, entirnan plan te, non plan te, fel takin thliar hran a ni a. NEC atang te, CSS te leh kawng dang danga kan sum hmuh leh kan hmanna lam kum kalta lam ai chuan a fiah deuh a ni. Chuvangin Office lamah a ni zual mai thei e, Budget buatsaih leh a bu buatsaih kawnga mawhphurtute chungah hian lawm thu ka'n sawi duh a ni.

Tin, chu nena la inkaihhnawih tho chu performance an rawn tarlang a, performance under plan 2000-2001. Tah hian December 2000 thleng a lo lang a. Phek tin keuva han zir chian deuh hman atan ka it hle a. Amaherawhchu, a tlangpui ka'n en thuak thuak a. Kan unau thenkha ten MNF kaihhruai sorkarah thil thar an hmu chau ang reng hle mai. Performance bu hi han keu ila sa. chu a hmuh a har loh vai vai nen ka ti a. A lang lo lama mi deuh hlir hi an han chhawp chhuak ta thin a, chu chu pawika ti a. Performance buah hian thil thar duhawm tak tak kan budget nen a inkaihhnawih hmuh tur a awm a nia. Budget performance December thla thleng an rawn siam hi, duh leh kan sawisel thei a ni leh nghal a, he thil kumina an rawn siam hi a lawmawm hle a ni lawm ni? Lawmawm kan tihtlan ka ring a, kei chuan lawmawm ka ti khawp mai. Tin, nidanga la awm ngai lo a ni awm e. tunang budget thlir hunah hi chuan, hei work Department te bik atan 'Work programme of work department under plan for the year 2001-2002 kan hmuh hi. Tah hian, hei nidangah pawh heti deuh hlek a chiang hi nisela mawle kan tih thin kha kan hmu a, kan dukhwap chu a la tling lo deuh anih pawhin kan thu an awih viau a ni, hemi kawngah hian a lawmawm hlein ka hria. Lawmthu sawina tur kawng khat dang leh hmua ka inhriat chu, hei financial management kawngah hian a ni. Kan duh tha bawk a, duh that pawh a tul a. Kan financial lama mawhphurtute kan han mawhchhiat viau thin a. Kan sitna te pawh na tak takin ka ti lang a. Kan zalen bawk a. Amaherawhchu a tlangpui han en hian kuminah, kum kaltaah pawh, tin, keini huna sawrkar na kan han lak chhoh atang khan kan han mangang hle thin a, leiba tam tak neia hun hman tawp kan hlau thei hle a. Chutihlai chuan leiba tam leh zualin kum tawp hi thleng ta ila tih duh zawk ni mai awma langte kan awm lek lek thin a.

Amaherawhchu, hei kan summary of essential position annual financial statement 2001-2002 hi han keu ila, pheh hmasa tlar hmasaah hian kan dinhmun tlangpui - Engtingge kan hotute finance a mawhphurtuten finance chu an lo manage? An management hi eng ang mark

pek tur nge tih a hmuh theihin ka hria a, hengah hian hmasawanna a lang viau a. Kan opening balance ti ila, kan leiba neih leh kan rulh chhoh zelna ang chiah te pawh duh ang chiah chuan kan thleng pha lo deuh a nih pawn, a tha lam chuan kan kal hret hret tih a lang a. Hei hi sum enkawl thiam lo chuan, mamawh a lo tam si nen, leiba pung tial tial a, kum thar inluhpui awl tak tur a ni a. Chuvangin a that viau bawk hi a, a har awm tehlu nen" tiin ka ngaihtuah a. Chung kawngah chuan lawmthu ka sawi duh a. A Budget hrim hrim hi chu Demand lam atangin kan la tum tak tak hlawm turah ka'n ngai a. 'Regional bias awm anga han sawi te pawh kan hre bawk a, chutianga hmuh theih lai chu a awm mai thei e. Mi kuta sahrang hmuh len hi a awl a, Zopa in chutiang thufing chu kan neih kha. Sum awm zawng zawng han siam rem takah hian a pawimawh hmasa lai leh a dawt a pawimawh leh tur tih te a lo awm ve zel a. Chubakah chuan thil lo inchherchhuan laklawh tawh atang khan heng hi vuah rem loh theih a ni si lova, a har fu chuan kei ka ring a. Priority kan nei tih chian tawh loh lam ai mahin kum tam tak atanga kan lo kal tawh dan in chherchhuan chho in loh theih lova min dahna avangte pawhin hetiang hi a lo awm ni zawkin ka ngai a.

Tin, pawimawh (priority) tehna hi, tehna pakhat ve awm a awm a, practical a kal chi, chu chu centre atanga teh loh theih loh heti mai hian a awm ve a ni. Tuifinriatah, lipuah pawh lungte han vawm thla ila, a tirah bial zimte a siam a, chu chu centre a zau tial tial a a tawpah chuan lipuah khan a val chhuak vek a ni. Centre atanga hmasawanna a intan loh hian chhehkhalth hmasawn na hian awmZia a nei lo thei a ni. Saw laia kawng tha deuh siam centre atanga zawm si loh hian awmZia reng reng a nei lova. Chuvangin, helai atanga han tan hi a tul dan a awm a ni. Centre atanga tan zel kha, kan centre chu Lunglei a ni thei e, Aizawl emaw, Saiha emaw a ni thei e. Kha Centre zel atanga tana hna kalpui, khami approach kha a remchana a awm ve thei a. Chutiang zawng chuan kan hotute hian an ngaihtuah a ni ang tih te pawh han rin tur niin ka hria a. Tin, a pawng a takin kan budget hi sawisel bovin a tha e, chu ka ti chuang hauh lova, ka duh khawp loh lai, ka duh thawh lai te pawh a awm ve tho va. Demand-a sawi tur chi nge pawh ka hre lo, a tha e ti chung chung mahse han tihna lai hi a awm ve tho va. Entirnan Hnahthial bialtu zahawm takin a rawn sawi ang khan, mahni bial atangin ka han thlir ve a, rural connectivity tih te pawh hi hei kan han hmu a, mahni bial atangin lo thlir ve den den ula in bialah rural connectivity kha a rawn tawh lut ve emaw, kei ka bialah chuan a rim pawh kan hre lo a ni awm e ka ti a. Hengte hi chu min thlir that sak ve leh turah ka ngai ringawt a. Nakinah kan hotuten an la siamrem tur niin ka ring mai a. Chutiang chuan (rural area ka nei ve a nia!) eng eng emaw kan han sawi kan han sawi ang a, kan hotuten remchang an la siam turah ka ngai a. Atlangpui thuah kumin Budget-ah hian hmasawanna a awm a, hna kalpui lai mek leh kan Sorkar-in a ngaih pawimawhte a remchang anga kaihrawlhin hetiang hian an rawn vuah ni pawhin ka ring a. A tlangpui thu chuan a lawmawm khawp hi maw le, hemi hmang hian han kal ila kan ram hian ke a pen ang tih ka ring a.

Hlawh a tam em mai, tih pawh kha tunhmaa lo kalpui laklawh tawh an ban theih si loh, a tam mai nak loh vah ! Khata pek tur kan nei kha lawmawm tak a ni a. Tin, a thu hrimah hlawha sum tam tak kal hi hmasawanna a ni ve tho mihring kan pawimawh hmasa ber si a tih hi kei ka ngaihtuah ve dan a ni, chutiang chuan zau zawng tak leh rilru thilphal takin ngaihtuah ta ila, a tha dawn lawm ni ? Member ten sawi an chuh lo em mai a, khawhar hnemah Budget ka hmuh dan ka han dipui a ni. Pu Speaker Ka lawm e.

Pu NIHAR KANTI CHAKMA : Pu Speaker, ka lawm e. Today I had gone through many times the Budget speech of the Hon. Chief Minister who is also incharge of a Finance for the year 2001-2002. Here nothing is found but only fiscal measure taken by this new Government. In the Budget speech it is clearly state that charges like water, electricity, room rent in Govt. accommodation, Bus fares has been increased. This will certainly be a extra burden to the general public. The budget is not oriented towards the poor there is no proper plan and programme in the budget speech of the Chief Minister. Here in the Agriculture Department in a successive budget speech it did not show the positive results, my area under Tlabung which is consider a very fertile land but still minor irrigation facilities has not been provided by this Government. The project under National Water shed Development programme under rain fed area and Water Development programme under shifting cultivation is also not upto the satisfactory.

Pu Speaker, the functioning of the Electricity Department is very worst in my constituency and if we see the Budget, there is nothing for the poor people. In most of the villeges in my constituency. There is no basic facility, like water, medical facilities etc. The budget is not development oriented. About 90% of the people living in my constituency, is living below poverty. The money does not reached to the poor people. The government has nothing to improve that condition of the poor people. Even in regard to the BADP, the government did not follow proper procedure. Most of the work under BADP scheme has been given to the outside. They just drew money without doing the work. It is very surprise. Last time I had visited Malsuri, there is a work link road from Malsuri to Lokhisuri about 2 lakhs. But the people has reported to me they have spend only Rs. 7000/-. This is the condition of my area. I had asked unstarred question to the honourable Minister i/c R.D. that almost all the works are allotted to the outsider. The lowest people is not given any work. And it is also very surprise to know that in the unstarred question that the Starred Question given by the Hon. Minister, Tlabung constituency chungah Primary School zirtirtu awm lohna awm hriat a ni lo. Still there are many schools where there is no teacher in my constituency also.

there is no school, So also in Sumasumi there is no teacher, school is there, but there is no teacher. And opening of a border trade, at Tlabung is much publicised by this govt. And it is also stated that the department also had been taken up concrete step for the construction of necessary infrastructure facility, for the proposed Indo-Bangla trade, at Tlabung, Indo-Myanmar market chu a tha Budt in our ... but... nothing is done in at Tlabung, some areas at developing so rapidly whereas Tlabung is going previously there is legal materological department in functioning. Now it is not function and even Industries Sub-Division also, this sign board is also taken away. Even, there is no full fledge as SDO. So it is very important that this Government has not taken care of the developing the rural area, expecially Tlabung.

I think if we see the budget speech of the Hon. Chief Minister, nothing a new but only a Reflection of the MOU sign between the Government of India and the Government of Mizoram on 8th April 1998. There is no development work. Nothing has found in the budget speech. It is only reflection of the MOU signed between the Government of Mizoram.

Thank you, Mr. Speaker.

S P E A K E R : Hei, Dar 1:00 P.M. a ni tep a, hun a laklawh tawh bawk a, tunah chuan kan chawl hrih ang a, dar 2:00 ah kan lut leh dawn nia. Meeting adjourned.

1:00 P.M.

S P E A K E R : Ram list of Business ah kan kal nghal ang a. A sawi duh apiang i lo sawm ang. Pu R.Lalzirliana.

PU R.LALZIRLIANA : Pu Speaker, ka lawm e, vawiina kan Budget sawiho tur eh hian sawi tur a tam hle a. Hun kan nei tlem a. Kan Chief Minister hian nidanga a Budget speech a a sawi thin ang lo deuhin tun tuma a speech chu House a Supplementary Demand 2000-2001 putluh kha bultana hmangin he Budget kan hmanlai hi chianguang vak lo a ni a. Kan Member te phei kha chuan khawvela Budget chhe ber tiin kan sawi anih kha. Budget chianguang vak lo chu kan CM pawhin nikuma Sept. thla tawp lama a han sawiah khan thla 8 lai chu rinthu in kan kal a, a ti a. Mi thilchik mite chuan thla 8 lai rinthua lo kal a rambuaia min hruai lut

...297/-

leh khá chu a vanneihthlak, Pathian awmpuina kan dawng a ni an ti hial anih reng kha. Hmanah rinthuinn reitak min kalpui tawh a. Kan buai nasa a, vawinnah hi chuan rinthua inkalpui tawh loh hi a tha hlein ka ring a. Tichuan, kan C.M. hian 1999-2000 a Budget Speech ah khan Zero Base Budgetting Introduce thaa a hriat thu he house ah hian a sawia. Nimahsela hei kumhnih lai kan han kal leh ta a. Khatiang a thusawi tha a a hriat kha, thain a hre leh ta lo nge ni Zero base Budget introduce lam khá chu a reh leh ta hle mai a. Tichuan tun tuma kan C.M. Budget speech kan ngaithlak lai atang khan a beidawn thlak hlein kan hria a. Kan Sor-kar hian Fiscal Reform neih a tum dan a rawn sawi te khá a beidawn thlak in ka hria a. Fiscal policy chhe tak he a hruai Sorkarah hian min neihpui dawn niin a lang a. Tichuan economic measure Sorkarin a lakna hrang hrangte kan han en hian. Sorkarin tul lova department hrang hrangye pawisa hman dan leh he Sorkar hnuai chutiang ang chu a thlir dan ngaihtuah lovin thildang a rawn ngaihtuah chhuak hi a pawika ti khawp mai a. Tichuan vawinnah hian sawrfu tur awm tawh lo sawrfu tlak lohte sawrfu leh chhawna vawin budget kan hman turah hi chuan a lo lang ta a ni. Entirnan tuiman tihsan te, Electric man tihsante, Bus fare tihpun te, leiman tihpun te, chutiang chu retheite sawrfu na a ni lo tunge ti thei Pu Speaker, Tichuan hmanni lawk Khan kan C.M. zahawm tak khan memmuka liam zawih zawih in kan Peace Bonus kan hmu a ti a. Tichuan Financial Automobile airlock kha vawinnah chuan kan nam nung tawh a. Chuvangin keimahni g fairelbel ami hi chaw kan chhum ve thei tawh a ni.

Officers tam tak Vanapa Hall-a a koh khawm khan a hrilh a ni. Mahse kan C.M. in lungawi taka sawi mahse, memmuka liam zawih zawih Peace Bonus, kan hmu te chu vawinnah budget thar a han pharh ta a. Tahchuan pawisa hi a tam lo a ni Pu Speaker, chu budget thar ah chuan MNF Sorkar hnuah a bat belh rulhna pawh vawinnah hian a lang lo a ni. Leiba kan han rulh hnuah nikum lama kan bat chu a han ru hek deuh va, a lawm awm e tih rualin tun kum kum tawpah chuan kan leiba lo sang tur chu cheng Vaibelchhia 148.59 a tling chho dawn tih a han sawi bawk si a. Tichuan Peace Bonus balance cheng vaibelchhe 82.45 lei ba rulhna tur pawh kha tuna budget speech-ah hian May 2001 ah kan hmu dawn a ni a ti a. Heng hi vawinnah hian May 2001 chu kan la thleng si lova, engtizia nge ni? Heng te hi kan en ngun loh vang nge ni? Tichuan, beng muka liam zawih zawih peace bonus kan hmuh theih nen hian kan C.M. zahawmtak kha a lo zuk in tiam kam ve nelnual tawh bawk si a, a zu intiamkamna hna kha vawinnah chuan hma thar lak a lo ngai ta a, chu a hmathar lakna chu retheite leh chanh hai zawkte min rawn sawrfuna lamah chuan a rawn kal leh ta a ni. Kan budget tharah hian a lo lang chho ta a. Tichuan VRS (voluntary retirement scheme) te introduce a ni a nge, leiman leh property tak te nasa takin tih pun a ni ang ti in kan C.M. hian a sawi a.

Tin, M.O.U. a an intiamkamna kha vawinnah chuan mipui in a takin kan chhawr dawn ta a.

Kan chhawrna lampang chu a tha lo lampang vek a ni. Chuvang chuan he sorkar policy hi a chhe em em a ni kan ti a ni. Kumina kan annual plan kan en hian a lungawi loh thlak hlein ka hria a. Planning Commission in North-East State te, State pali te kha a final tawh a. Chutah chuan Nagaland in cheng vaivelchhe 326 atangin vaibelchhe 405 ah an tum chhova, a punna chu cheng vaibelchhe 79 lai a ni.

Tin, Tripura kha vaibelchhe 485 atangin vaibelchhe 560 ah an zuang chho ve, a punna chu vaibelchhe 75 lai a ni bawk a. Arunachal kha vaibelchhe 640 atangin vaibelchhe 661 ah kum thar lo awm turah hian an chuang dawn a ni, a punna kha vaibelchhe 21 lai a ni. Keini Mizoram ve chu 401 atangin 410 ah kan kai ve a, a punna kha cheng vaibelchhe 8.74 chauh a ni. Hetiang avang hian lawm a har hlein ka hria a. Nagaland plan budget baibelchhe 79 laia a pun lai te, Tripura plan budget vaibelchhe 75 laia a pun lai te, hian Mizoram plan budget chu vaibelchhe 8.74 chauhvin a pung ta a, a lungawi thlak loh takzetin ka hria a. Tichuan Nagaland leh Tripura te hian hel bonus nge an hmuha peace bonus an hmu tih hi kan C.M. zahawm tak hian rawn sawifiah se a thain ka ring a. Hman ni a Vana Pa Hall a Sorkar hnathawkte a koh khawmnaah khan duh ilang chuan cheng vaibelchhe 500 pawh hi ka rawn hawn thei a ni a ti a. Engatinge hawn thei si Pu Speaker vaibelchhe 500 chu a rawn hawn mai loh le? tih hi kan zawhna a ni. Plan-ah chuan 90% hi grant a ni a, 10 percent hi loan chauh a ni si a, a tama hlel hlel chu kan Sorkar tan tha mai awm tak a ni. Kan Budget hrilhfiarna bu explanatory memorandum on the budget 2001-2002 ah hian phek 5 leh phek 6-ah hian planning Commission in pawisa cheng nuaih 41,000 min rawn ruahman sakah hian year mark scheme cheng nuaih 9,587 lai a awm a. Hetah hian scheme 11 lai a awm a, heng scheme te hi kan chief Minister budget speech-ah hian pakhatmah sawi lan a rawn awm lova. Heng year mark scheme te hi kan Sorkar hian a ngai pawimawh vak dawn lo nge ni aw tih ngaihtuahna min neih tir a ni. Kan Demand for grant bu-ah pawh hian chhui tniam a harsa viau a. Control of seedling cultivation atan hian nuaih 360 lai a awm a. Hei hi Agriculture Department kal tlanga hman tur ni awm tak a ni a. Bamboo plantation atan te, nuai 280 Cardamon plantation atan nuai 100 Teak plantation atan nuai 100; kan nei a, heng te hi khawi department-a hman tur nge? Eng department hmanga hman tur nge tih pawh hi a chiang lo a ni. Kan chief Minister Budget speech ah hian Coffee plantation tur te, cardamon plantation tur te, bamboo plantation tur te sawi rik a awm lo a. Hman deuha true diamond kan sawi ang deuh khan a awm leh mai ang tih pawh a hlauhawm a ni. Vawiinniah hian Sawhthing chin nan Loan kan han sawi a, a thawm a lian viau a, ngun taka kan ngaihtuah a ngai a, Thingtlanga kan lo nei tu tam tak te hi engvanginngge Sorkarhian Ba nei tur a kan zuk dah kher le tih hi a ni.

Sorkar hmasa khan NLUP te, S.D.S. te an sem ang khan Sawhthing hi vawiina ching duh te hnenah a chinna tur loan hi pek ve mai, loan ni lovin pek ve mai a tha zawkin ka hria. Kan Budget han thlir ngun pawh hian mipuite chan tur vawinah chuan a rem lova, kan C.M. zah awm takin C.M. a nih tirhah khan kum 3 chhungin ei leh bar

ah kan intodelh ang a ti a, hei kum 24/2 a ni tawh a, ei leh bara intodelh chu a har hle a ni. Chutiang chuan hetah hmanni lawkah Vana Pa Hall an crore 800 chuang kum 1 a hman tur kan nei a, chutih lain a nei love lo thu a, Thingtlang mite hi an awm tur a ni lo tiin kan C.M. in a sawi a. Chuvangin a fatute in tan a ngai a ni a ti a. Vawiinah hian a fatu hotupa ber chu kan Chief Minister hi a ni a, chu chuan vawiinnia kan Sorkar hnathawkte mualpho a ti leh mai hi a ni thei mai dawn em ni? Sor- kar hnathawk te an mualpho hmaa a fatu leader chu a mual- pho a, ama hoin he Sorkar hi a mualpho kan ti lo thei dawn em ni? Tichuan, Pu Speaker, vawiinniah hun a tlem a, tuna kan sawi duh ber taka chu, kan Chief Minister zah- awm takina sawi ang a, pawisa hi a hmuiah chuah tam lo a nih chuan, engatinge kan Budget ah hian mirethei leh mi harsa ten an chan ve tur vawiinniah hian a lo lan ve hauh loh ka ti a ni.

A tawp berah chuan, Pu Speaker, khawngaihin, nichina kan Member zahawmtak Tuipang Bialtu in a sawi Inrinnia kan Chief Minister in a huan hungna tur a phurh cheng nuaihli leh tih man cheng nuaih nga dawn kha Central ah BJP President Bungalow luahman cheng nuaih khat lek eiru a an puh pawhin a ban phah a ni a, vawiinniah hian kan Chief Minister hi a bang ve dawn lawm ni? tih hi ka zawhna a ni e, ka lawm e.

S P E A K E R : Tunge sawive leh ang? A nih ka, wind up tir dawn anga Group Leader Pu Zakhu a ka ko anga chu mi zawhah Pu Lalhmingthanga. I duh tawk tawh mai ang aw. Pu Zakhu-a i ko ang. A dang chu ka pe dawn tawh lo che u a nia. In duh thlanna angin ka ti ang.

P U Z A K H U H L Y C H H O : Pu Speaker, ka lawm e. Naktuk lamah ka sawi ang chu ka ti a, mahse vawiina sawi tura min sawm avangin ka lawm khawp mai. Hei tuna kan sorkar ina an budget an pharh hmasak ber atang khan he kan budgetah hian mipui chan tur a tlem a ni tih hi ka sawi fo a. Ka sawina chhan pawh kan sorkar, i ding lama thute hian hetia House a theih tawpa kan sawi eng atang hian engemaw rawn ngaihtuah chhuak sela tih ka beisei leh duh vanga sawi thin ka ni. Mahse, hei, tun hi he sorkar ina budget vawi 3 a pharhna tur a ni ta a. Chutiang lam- pang ngaihtuahna a awm love, "chauh ni love i ding lama thu tena an election manifesto-a an ziah, "Miretheite thleng phak budget kan siam ang" tih an theihghilh ta hi paw ka ti a ni. Pu Speaker, tuna kan sorkar budget hi chu a tlang- puiin duh duh tih theihna budget ni main ka hria. Nikum lama mak deuh pakhat chanchinbua ka chhian chu sikul in sak dan kha a ni a. Khawilai MNF Unit president emawni kha an sikul In sak kha thiatin a sa tha ve tawp mai a ni awm e.

Tichuan Aizawlah a lokal a, pawisa a rawn dil a. Directorate lam khan, "Ka pu, in veng sikul sakna tur hi plan-ah a lang lo reng reng a, pawisa kan pe thei lo che a ni" an ti a. A ni chuan, chuti anih chuan kan Minister te hnenah ka sawi anga a ni mai a lawm a ti a, a va sawi ta a ni awm e. A official lam ka pu plan-ah a awm lova pek ngaihna i awm lo titu kha misualah an chhuah tlat mai a ni. Action lak deuhthaw tur khawpin an chhuah a ni awm e. Ka zuk sawi duhna chu kan Sorkar Budget hi khatianga duh duha tih theihna budget anga a awm tlat avang hian vawiina han sawi pawh hi a phurawm lo deuhin ka hria a ni. Tin, kan sorkar kalphung hrim hrim ah hian, a hma pawhin ka sawi tawh a, he sorkarah hi chuan duh duh hi a tih theih a ni mai awm mang e tih hi kan lo thlir dan a ni a.

A thenin Sawhthing an siama, a thenin gate engemaw an siama, Lucky ticket te an lo hralh a, permit petute lahin duh tawh an ngah hnu chuan mawi tak in he house-ah leh chanchinbuah te an pha leh mai a. Chutianga duh duha tih theih a ni hi a pawl ka ti a ni.

Tin, Pu Speaker, hetiang taka kan Sorkar leh kan budget mumal lohna chhan hi engnge ni ang tih ka ngaihtuaha, a bul ber chu kan Sorkar he Sorkar ina tum mumal a neih loh vang niin ka hre tlat. A chang in Sawhthing an ti, a changin Mau kan ti. A changin Privatised kan ti a, Privatised leh loh angin kan kal bawh si a changin khur laih kan ti a. A changin Kiwi thei an ti emaw ni, kan sawi tlawr hluah mai a, amaherawhchu kan sawi ang hian engmah tih a awm si lo. Mizoram hi engkim that theihna turin kan sawi a, a dik bawkin ka ring. Mahse engkim that theihna rama awm si hian engmah nei lo hian vawiinni thlang hian kan awm a nih hi. Chuvangin kan Sorkar ber ina tum mumal a neih loh chuan a budgeta hi chu a fuh thei lo hrim hrim a ni. Vawiinniah hian General discussion a nih avangin chu chu ka rawn sawi duh a. Hetiang hian rawtna siam ta ila an pawm thei ang em? ka ti a, Sorkar hmasa khan mi thiamte rawnin kan ram sik leh sa te, ni sa leh ruahtui awm dan zawng zawng nena inmil thei bera ngaihtuashin plan a duang chhuak a. Khami a plan duanchhuah a te kha vawinah hian a thisawn ta mai a. Khangte kha tlawmah ngai lo sela rawn tihpuitlin dan hi a rawn ngaihtuah thei lawm ni tih ka rawn sawi duh a.

Tin, hmannah khan kan Chief Minister zahawm tak Delhi kal haw, a plan zuk sawi ho haw khan Vanapa Hall ah Officer ho zawng zawng a ko khawm a, chuta a sawi chu, duh ila chuan Nagaland te Arunachal te angin pawisa puk duh ila chuan kan plan hi Vaibelchhe zanga zaruk hian ka rawn siam thei a, leiba nen a rawn haw hi ka duh lo a tin a ni" a ti. Chu chu kan House Leader zahawm tak thusawi a ni. Ama thusawi bawh nikum Oct. ni 10 a a sawiah chuan (hei hi nikuma plan a zuk tihfel laia a sawi bawh a ni). Keini ang state rethei tan chuan sum puk tello chuan hmasawna hna a thawh theih tak tak ngai loh tih hi a ma sawi bawh a ni a. House Leader ber zing thu leh zan thu a danglam fo hi chuan kan ram hian kal ngaihna a hre lo

a nih hi. Hetiang statement tuk leh zana danglam hi chu kan ram pawh hian a tuar ani tih hi a hriat pawh hi a hun ve tawh lawm ni ka ti hial a ni. Pu Speaker, hei kan Finance Minister zahawm tak budget speech ah hian Mizoram sum indaihlohna vaibelchhe za sawmli leh tih a rawn lang a. Tichuan chutiang lampang ngaihtuah tu turah Committee pawimawh tak Minister Pu Chama ho ani nghe nghe awm e, dih thu a rawn tarlang a. Tichuan chu fiscal reform Committee chuan hna an han thawk nghal a. Rei lote ah recommendation an rawn siam ta mai a ni. Chumi an recommendation kan hriat loh vawiina rawn lang kha chu kha P.S., Primary School naupang te atanga pawisa lak kha a ni lo recommend tel a ni awm e, vawiinah khan ka hria a, a mak ka ti khawp mai kan hnunga ka zawhna an chhannaah chuan M.R. a thawk mi 222 an hming list nen an ban thu min rawn hrilh a. Tip chutiang chuan Tui chhiah tihpun tur an ti a, dan pawh kan pass hmam a pawisa an khawn hmiah hmiah mai a, A dan phei chu nimin piah lawkah kan passed anih kha. Tin, Mizoram House hmun hrang hrangah thlen man an tipung a. Hmanni kh khan he House ah ngei hian ka sawi a, kan Sorkar kaldan hi mirethei te nek zawng hlirin a kal a ni lawm ni ? ka ti a. Pu Speaker, nang pawhin i hriat kha. Tuna kan Sorkar ah hian Zoroma mihausa ten an dawr In hmun man chhiah 50% pungin chhiah kan pe a. Tuna kan Sorkarah hian mirethei tena public point a Tui in tur kan chawi man zaah za 100% pungin kan pek dawn lain mihausa te chuan 25% pungin an pe dawn a ni tih va sawi a.

Vawiinniah hian pakhat sawi lan ka duh leh chy hei hi a ni. Mizoram House hmun hrang hrang ami thlen man ka zawt a, Pu Speaker, tuna kan sorkar, order min chhanna chu Mizoram Houseah khuan kan Minister leh official te bian VIP Roomah zankhat ah Rs. 50/- an chawi dawn a, mirethei zawk Medical refer a kal te chuan zankhatah Rs.200/- Mizoram Houseah an chawi dawn a, kan zirlai te, khualzin kal ve te chuan zankhatah Rs. 350/- an chawi dawn a ni.

Pu Speaker, eng atan nge Mizoram House hi state pawnah kan sak? Hmun hrang hrangah engah nge Mizoram House hi kan neih tih hi he sorkar hian a ngaihtuah ngai em ? Kan Minister-te leh kan Official te nawm chen nan hian kan sa lo. Zoram mipui tan, Damlo mangangte thlenin neilo te tan, Mizoram pawna an hman ngamna turin a ni lawm ni kan sak. Mahse tunah chuan Official lo tan chuan thlen ngam chi a ni lo. Pu Speaker, thil mak deuh chu, he kan sorkar hian kan House te hi sundawn nan a hmang a ni mai lo mawh, he sorkar in a thlir dan hi market rate atangin a thlir a, hmanni a Minister zahawm takin tui bill tih pun tul a tihna a rawn sawi pawh kha market rate atangin a rawn sawi mai a nih kha. Mizoram House a thlen man te pawh Hotel rate atangin

an fix anih ka ring. Chuvangin pu Speaker, ka rawn sawi duh chu kan Sorkar Service reng reng hi "Service to the people of Mizoram" Mizoram mipui tana rawngbawlina vek a ni tih hi kan sorkar hian hre teh se. He House a taima taka kan sawi pawn hi Mizoram mipui tan a ni kan sawi ni. Vawiina hemi ka rawn sawi chhuahna chhan hi keima tan ka sawilo. Damlo mirethei te fefer case a kal te tan a ni. Minister tena zankhat a Rs.60/- an chawi laia mirethei zawk te in a Rs. 200/- an chawi chu an tan a na a sin.

Tin, pu Speaker, kan sum indaih lohna ka sawi duh, Mizoram Sorkarin sum a indaihlohna chhan hi mipuiten a chhiah kan pek tlem vang anih ka ring lo. Damloten a Mizoram House a an thlen man atanga in recover mai kan tum chuan kan in recover ka ring lo bawk. Dik tak chuan mittui tla zawih zawih chung a khawngaih an dil pawha an khawngaih duh miah loh M.R.200 chuang an ban te khan (an hming nen lam min pek kha) kha mite hlawh kha ka chhut a, an kumkhat hlawh kha nuai 40 lek a ni, Khang zawng zawng hlawh kha nuai 40 lek a ni. Kan mipui miretheite chung a talhtum an lek lai khan pu Speaker, ka han sawi mah anga mai i ti ang.

Tuna kan Sorkar ngei hian Sorkar hmasa ina kum 10 aia rei a lo hnawl tawh thil diklo supply ni a an hriat pawisa an pek duh tawh loh kum 10 ami kha an pe daih a sin, cheng vaibelchhe 3 deuh thaw an pe a lawm Lehlamah kan mipuite kan hrek lai khan helaiah chuan vaibelchhe 3 deuh thaw an pe a, chutiang sorkar tunah chuan SAD ah bill lem ani ti a an process duh tawh loh pawh tunah hian an process a vaibelchhe khat leh a chanve an pe leh dawn a chuvangin ka hria. Pu Soeaker, he sorkarah hian miretheir leh mi hausa inkar a hla lutuk hi hrehawm ka ti, hengah te hian tute emaw chuan man tang te hi an lo ei ve pah ang tih a hlahawm, nichina ka hma a sawitu pawh hi pu Speaker, sorkarin sum an indaih lohna chhan hi vawinah hian an zawng chhuak tak tak duh anih chuan supply Department ah ringawt pawh kal rawh se, he kum 2 chhung hian vaibelchhe 4 man thil tul lo an supply tir ani tih hi an hmu chhuak mai ang. Agriculture Department ah kal rawh se, he sorkar chhung hian vaibelchhe 5 deuhthaw man thlai chi a tak hmuh tur awm lem lo a lem supply a awm a ni. Pu Speaker, Transport Department ah te Fire extinguisher an ti emaw ni ni an mamawh leh loh an dah tawl tur kha engzat nge an supply an hman ngai lem loh kha. Anih leh hengah te hian vawinah kal rawh se, Transport Department leh Health Department ah ram hung (fencing) atana kumina an senso hi vaibelchhe engzat nge? Heng te hi hung a tul em ni? Engnge a tul em em na chhan? Kan ram a tla chhe dawn chuang lo. Record engkim a awm vek. Engahnge kan mipui ten an tawh lain helaiah sorkarin tul loah a sen vak vak? Hengte hi a lawm ni, Fiscal Reform Committee hna tul chu? Helaia mirethei te hrek a, helaiah a neite pek belh zawnga kan kal chuan a pawh hlein ka ring. Pu Speaker, i dinglam a thu te hian an din chhan an theihngilh. Pathian kan ram tan an fi, amaherawhchu, vawinah chuan chutiang zawng a ni lo. He Budget pawh hi kan han pass mah anga pu Speaker, a kal dan tur chu a chiang mai. Engemaw zat hi chu fatu te tan dah hran a ngai leh ang a. 200% hi maintenanceah a kal leh anga, 10% hi project lian ah a kal ang a. A zatve dang hi hlawhah a kal ang a. A zo der a ni. Khawiah nge Zoram mipui hian vawinah hian he ---

he Budget atang hian kan beiseina tur ? engnge kan hlimna tur awm ? Tunlala sumdawna hlawk ber pakhat an sawi chu MNF Party-a nihna sang nih leh Minister unau te nih hi a hlawk ber an ti. A nih ka ring. Tu te emaw supply tur zawn sak a, tute emaw bill tang lo sawi sak a, lo inhlawh hi a hlawk ber an ti. Hei, Pu Speaker, nichina an sawi arg khan tun lai hian Central Sawrkarah Tehelka thamna avangin Minister ho te leh Party President ho te an bang an ti a. Hman ni chu ka ngaihtuah a, khatiang thlalakna kha lo nei ve ila, lo la ve ta ila chuan i dinglama thu tur hi an awm meuh tawh pawh ka ring lo. I dinglama thu tur pawh hi an awm zo lovang tih hi a hlawhawmin ka hria.

Tin, Pu Speaker, chu lovah, a tawp na a ka sawi duh chu he Sawrkar hian Budget hi kan han pass ang a. A pawimawh bera ka hriat chu engpawh nisela, Zoram hmasawn nana hna thawh tur an siam chhun tal hi chu tha takin thawk hram rawh se. Ka bialah te, Pu Nirupama bialah te, Opposition bialah te chuan tunge min hek zovang ti niawm takin kawng laih a ni emaw, in sak a ni emaw, pawisa an la vek, a in an sa lo, kawng an lai lo. Hei hi pawika ti. Vawinah hian chamngte Damdawi In te hi va en teh u, nuai engzatnge a lak tawh, nuai 20/30 deuh thaw a la tawh, a ban pakhat pawh a la phun lo. Chuvangin kumina kan budget pass turah hi chuan a hna tal hi thawk hram rawh se. Tin, Pu Speaker, a tawp bera ka sawi duh chu he Sawrkar hian Zoram mipui confidence an hloh ta hi pawika tih sak hlawn khawp mai. Ka lawm e.

PU LALHMINGTHANGA : Pu Speaker, ka lawm e, hun hi 25 minutes emaw thlenga min pek hram ka duh a, nikumah pawh khan 10 minutes in midang ai khan min pe tam a, hei hun lawmawm tak min pe a Pu Speaker i hnenah lawmthu kan sawi duh a. Tin, i hnenah hian a bik takin, tin a hmasain kan sorkar kan House Leader hnenah pawh lawmthu sawi ka duh bawk a, kan sawi hmasa phawt ang a. Ni kuma kan budget an han putluh khan hei hi budget chhe ber a ni e tiin remark ka siam a. A chhe ber a nihna lai kha discuss ngaihna awm lo rinthua dah a ni a. Tin, kum hmasa hama hnathawhna a lang lova, tin he budget atanga hnathawh tumna a lang bawk lova tiin ka sawi a. Tunah chuan hei work programme leh Financial physical achievement kum kal taa sawrkarin a hnathawhte kha hemi zinga tel turin House Committee atanga Speaker-in hma i rawn la ta a, rules i rawn siam a, a rawn tel ta, tah hian lawmthu ka sawi duh a. Kan Sorkar te hnenah pawh an work programme te hi PWD te pheichu a chhe hle nachungin lawmthu kan sawi duh hrim hrim a ni.

Nimin lama ka sawi tawh ang khan a tha laiah chuan lawmthu kan sawi hreh lo a ni tih hi kan sawi duh a ni.

Kumina kan Budget hi a nungchang hi uluk takin kan thlir a. Tahchuan point hrang hrang han lak hianin Budget chhe ber tih kha chu a tul tawh lovin ka hria a. Amaherawhchu, Budget hrisel lo lutuk, anti-people leh anti-poor, rethei te chung a phurrit harsa tak beltu leh mirethei te chung a harsatna nasa tak teltu Budget hrisel lo tak a ni tih hi a nungchang a ni a.

Tin, a pahniha atan chuan, he Budget ah hian kan Ram ina a that chhuahpui tur, Ram leh hnam tana han inhnemna tur ang chi Project lian leh Thang-thar hna neilo tena hna te an hmuh theihna tur, chutiang ang lam chu pakhatmah a awm lova. Thil tenau te te, Party han induhsakna awm, Bamboo processing tih ang te, eng eng eflaw a Coffee chin ang chauh te hi a lang a. Heta tanga han thlir pawh hian Ram leh hnam tana thlakhleh tur awm hauh lo tih kan sawi duh a ni, kumin kan Budget hi.

Hei, kan Leader, House Leader, kan Finance Minister zahawm tak ina a Budget Speech ah khan paragraph 12-na, phek 7-naah khan Budget Policy a rawn sawi lang a. Tin, Central Budget-ah Budget an han put luh khan Central Finance Minister zahawm tak khan Budget policy a sawilah chu a chiang hle mai. India rama lo neitute zawng zawng te hi zaa 80 an ni a, chumite tan chuan in awlsamna kan siam dawn a ni an tih ang te. Tin, khami bakeh khan, India ramah hian Instructor lian kan siam dawn a ni a tih ang, sum lamah chuan harsatna a awm lovang a tih ang te.. Tin, ram chhunga Industries neitute hnenah, engnge ni, duhsakna kan hlan dawn a ni tih te kha a chiang hle mai a. Mahse, kan House Leader rawn putluh awmdan hi chu pakhatnaah chuanin a priority pakhatnaa han sawi chu 'achieving self sufficiency in food' a ti ta a. Hei hi a tir atanga a sawi a ni a. Kum 3 chhungin kan intodelh ang, kan Mechanise ang a ti a. Kum 2¹/₂ a ni tawh a. House Report a kan ngaihthlak chu Hectare 70 chiah an la lai zo va, Chuta senso chu nuai 60 a ni a. Hectare 70 ah hi chuan engtikawng mahin intodelhna a lang dawn lo. A thusawiah pawh hian awmzia a nei pha lo tih kha ram leh hnam hriatah kan sawi lang duh a.

Rin, Accelerating the pace of development, mental activity creating opportunities for gainful employment' a ti a. Kum 2¹/₂ hmang tawh hian hmasawna kalhmang tihchak a tih hi a zau lutuk a. Engberah hian nge tihchak a tum a. Gainful employment hi khawiahnge an siam tawh? Kan nula leh tlangval hnathawh tur nei lo te hi nuai telin tunah hian an vir nuai nuai a. Gainful Employment hi pakhat pawh a pe lova. A thusawi hi ram leh hnam hian dawt a ni, tiang zawng hian hma a la lo a ni tih kha a chaingin mipui hi witness an ni.

A dang leha chuan 'Solution of Social problems and Promotion of trade and commerce' a ti a, Social problem nasatna kan hmu. Kum 2¹/₂ ro an rel tawh. Kum tinin social problem ah hian Drugs a thite, Drugs connected effect a thite tualthahnaa thite, zu chhia in vanga

thi te an pung tial tial a. Chuvangin, a thusawi hian takna a nei lo a ni tih a Budget policy hi mipui hi a hmutu kan ni bawk a ni.

Tin, Promotion of trade and Commerce a tihah hian Zokhawthar kar hmasa mai khan kan han kal a. Engmah structure tak tak tih an nei miah lo. A awm tawh sa te nawrthluk a khatianga mipui mumal lova siam kha a ni a. Sawhthing Bangladesh lamahte kan hralh theihna tur 1994 a Tlabung lama kawng hawn theih tura India Sorkarin permission a pek tawhte hi umzui tel miah lova, Tunah pawh Sawhthing chingtute chu an mangang a. Heta a thusawi hi a tak lo a ni tih kha Zoram mipui te hi a hretu kan ni bawk a ni. Tichuan he Budget hi nungchang neilo policy leh strategy neilo a sawi chhun pawh hi thudiklo hlawn a ni a. Mahni nih lohna anga pawm sawi a ni. Kha kha a nungchang pakhat thalo tak chu a ni ta a ni.

Tin, a pahniha ah chuan kan Budget hi uluk takin kan study theuhin ka ring a. Hei hi a sawifiahna explanatory Memorandum kha a ni a. Keini sawi a ni lo. Heta tang hianin ka rawn sawi chhuak ang a, hei hi kan annual statement heta tang bawk hian ka rawn sawi chhuak dawn a ni. Budget hrisello a nihna dan hi a pumpui ah hian cheng vaibelchhe sangkhat leh za leh sawmli leh pariat a ni a. Kha kha Plan leh Non-Plan belhkhawm a ni ta. Tichuan non-Plan ah hian cheng vaibelchhe zasarih leh sawmhni leh pathum a awm a. Tin, Plan lamah hian cheng vaibelchhe zali leh sawm chumi bakah N.E.C. atang leh C.S.S. (Centrally Sponsore scheme) a awmsa token provision te nen khan vaibelchhe zali leh sawmhni leh pali a awm ta. Khami then hlawk kha he explanatory memorandum atang leh, Annual financial statement atanga lo langah hian i han examine teh ang. I han X-ray teh ang. Zoram tan Budget hrisel a nih leh nih loh hi. Hei zawhna kan House Leader ngeina Unstarred Question a chhanna No. 26 naah hian kan leiba neih lai mek a hi cheng vaibelchhia tluk leh dingawn li leh vaibelchhia tak khat leh vaibelchhe thum leh nuai sawm leh singkua leh sangruk leh zasarih leh sawmruk leiba, hei hi India Sorkar atanga ba pawh ni lo. Financial Institution, Life Insurance Corporation Institution atangte, HUDCO atangte GIC atangte, Rural Electric Corporation atangte PFC atangte, MCDC atangte, Market borrowing atanga leiba lai mek tlingkhawm a hi a ni. Hemi ka sawi hi kan C.M. in a pha thei lo, Amah ngeiin a rawn chhang a ni a. Tin, kan Annual Financial statementah hian a lang Chiang hle nghe nghe a ni. Hei hian Govt. of India atang a kan pawisa bat kha a la kawk ta lova hei hi chu Financial Institution ho kum tin rate pung neia bat khawm a pe ta a. Tichuan write off theih chi pawh a ni lo. Govt. of India atang a kan bata hi 11 (elevent) Finance Commission hnena kan C.M. ngeiin a approval a write off tura India Sorkar loan an lo dilna kha a ni a, he figure ka rawn sawi hi kan C.M. figure a ni. Govt. of India lamah hian cheng vaibelchhia 198 leh nuai sawm kua leh pariat tuna rulh lai mek a awm bawk a ni. Kan zuk belh khawm vek chuan kan leiba neih lai hian kan Budget pumpui non-plan hi a han tluk ti tih tawh a, chu chu cheng veibelchhe thum leh nuairuat leh singkua leh sangruk leh zasarih sawmruk kan ba mek ta a nih chu. Nichina ka sawi

kha inhria in ka ring a. Kan Non-Plan budget hi vaibelchhe 723 a ni ka tih kha, kan ba tling khawm tuna kan rulh lai mek hian, rulh vek tul ta thut sa, a balance a kha a tlem lutuk tlat a ni. Khami kan Annual Financial statement atang a kan C.M. present atanga han en hian, ba rulhna atana kan sen hi a tam ta em em mai a. Tun atan hian vaibelchhe 131 he kan budget atang hian ruahman a ni. Kan Budget pumpui atang hian 11% in interest payment kha kan han rul dawn phawt a ni. Leiba kha mi servicing kan tih ah khan vaibelchhe 28 leh nuaih 87 ruahman a ni a, tah hian an ziak chhuak chiang khawp mai leiba rulhna atana kan total budget kan hman chhuah tur hi 14% ang hu vel tuna kan budget hian a rawn keng ta a ni a. Kan dihhmun hi a va han rapthlak teh reng ngai em !!!.

Tuna kum 2 leh a chanve kan han lal chhung hian, heng leiba zinga MNF Ministry in a puk belh bik hi han sawr chhuak ta ila tluk leh dingawn khat leh vaibelchhe tak kua leh vaibelchhe nga leh nuaih li a ni a. Chutiang khawp chuan kan pawisa enkawl dan hi a hrisel lo a ni. Chu leiba rulh nan ringawt khan cheng 100 zela cheng sawm leh cheng li kan hman a lo tul ta, tun kum kal chho ah hian. Chumi ti rapthlak zual em em tu chu hetiang hi a dinhmun a ni ta a ni. Kan budget pumpui atang hian in Ram hmasawna atana capital formation kan tih entirnan Kawngpui han laih tharna tur emaw thil awm lo khatiang ang awma han xx siam chhohna tur thangtharte tana ro tling han siamna tur atan hian a zavaia belhkhawm khan cheng vaibelchhia 111 leh nuai 4 a ni ta a. Rotling siamna atana kan hman hi kan Budget pumpui atang hian 9.70% chiah kan hmang dawn a ni a. A va han lungngaih tilak ngai em! Pu Speaker, A va han vanduaithlak ngai em! Kan leiba rulhna atan khan Rs. 14% ang vel kan hman lain kan ram ro chherna atan chuan 9.70% chauh kan hmang thei dawn ta a ni a. Kha kha kan enchiang ilangin he Budget hi Budget hrisel lo, mipui tana chenpak tur awm lo, a sorkar pawh state Budget mipui pawisa Manage tu, manager tling tawk lo, mipui te tana rawngbawl tlak lo, heng budget present ngei hian a rawn tar chhuak a ni.

A dang leh ah chuan kan plan budget kha en leh ila, ka sawi tak ang khan Rs. vaibelchhe 410 kan hmu a, a hmasa tun kum kal lai mek a 401 leh nuai 26 atanga a punna kha Saitual Bialtu zahawm takin a sawi ang khan vaibelchhe 8 chuang hret a ni a percenta kan dah chuan Za zela Rs. 2 chuang hretin a pung chauh tihna a ni a. India ram state hfang hfang plan punna kan han chhut a, average a lakin 100 zela 16 a pung in a chhut theih a. Kha kha a chiah chiah phei chuan a inhnial theih ang e, average in la ila, Saitual bialtu zahawm tak khan kan chhehvel pun dan a rawn sawi tawh a ni. Chutianga a pung tlem ber kan neih nachhan chu planning commission khuan helaia kan pawisa enkawl dan leh kan performance physical achievement kha an hriat chian avangin midang state te anga pek tam tlakah min ngai lo a ni ang tih hi a rin theih a. Chutiang anga anih rual chuan kan House Leader hian a thusawi Paragraph 11 na phek 6 ah Planning Commission chuan India Hmarchhak State ah hetiang Zawnga pawisa hmang tha berah remark min pe a ni tih a rawn

sawi si a. Hei hi an sawi leh ringawt a, ka a kua a, sawi ringawt hi chu a awl khawp mai, certificate ka demand a ni, Pu Speaker, hetah hian, Planning Commission atanga certificate hi, min pe teh se, ziakin, chuti anih loh chuan hetiang a mahni infak, fiah leh hleihtheih tawh silo hi a buaithlak ang reng si a.

Tin, kha bakah khan, Pu Speaker, kan Plan atanga thil, a han lan dan mai pawh a buaithlak deuh chu, khami cheng vaibelchhe zali sawmhnih pali awmah kha hna tak tak ve thawhna tur aiin, hlawh atana, khami kan Budget a Demand atanga chhut hian hlawh leh thildang atana hman ral turah Establishment leh O.E. vela hman ral turah khan vaibelchhe 270 a awm ta a. Chutak chu nichina ka sawi vaibelchhe 111 leh nuaih 4 chauh hi capital formation atana awm te a ni tih a hring chhuak a ni. Chutiang ang chu tuna kan House Leader in kan budget aia a rawn put luh a hi a rawn ni ta a. He Budgetah hian lawmna tur a awm lova a lo dawng sawng tu tur, Zoram mipuite tan lungngaihna thlentu leh phurrit thlentu a ni tih kha kan sawi lang leh duh a ni. Tin, pawimawh leh deuh mai chu Pu Speaker, kan House Leader thusawi vek phek 4 na para 7 naah khan tiang hian a rawn sawi a, kan Sorkar sum dinmun hi a that loh avengin helaia siam tha tur hian Mizoram Fiscal Reforms Committee siam a ni a ti a, kan hria a, an siam reng a, Chutah chuan an recommendation hrang hrang helaiah hian chi 10 chu a rawn tarlang ngei a. Khami chi 10 a tarlan zingah hian thil vanduai thlak tak, mipui tan pawh a thil buaithlak tak lo awm chu helaia kan han sawi tak kan pawisa en kawlna financial management va tih that a, a tul lova supply order pek vak vak te, pawn lam vai kan hnar zinga khawsa tak tak lo, sumdawna rilru ringawt pua helaiah rawn kal a, kan thihni a khawhar lenpui ve ngai lo, thlan laih nia YMA te zinga thlan kotlanga thu ve ngai lo, kan Kohhran hrang hranga missionary chawma tura thawhlawm thawh ve ngai lo, chutiang ang pawn lam mi, vawi khat saw leh pai an lak chuan kan ram chhungah hian vir kual leh tawh lova Mizoram pawna phur chhuak daih thinte nena kan Sorkarin inlai-chinna hrisello nei a, hemi kan Mizoram pawisa bawm pawp, kha leh chen lo awm tawh thin tih phuina tur te kha Fiscal Reforms Committee hianin huaisen takin a rawn recommend dawm emaw kan tih lain khatieng zawng chi pakhatmah a lang lo a ni. Entirnan, hei chung anga thil han lang thei mai chu kan hria a Construction hming hawhin, tin, commercial kan tihte khan hming thar hmanah pawh, Lai House ah term hluiah pawh kan sawipui thin te khan hming thar siamin a tak takah a thar ti si Hovin kan National Highway construction te chu an lo zo vek a, chutiang anga hlep lo kal pawisa siam atang chuan party Office te, Canteen kualah B.C. Deya te building leh Office te hi nuaih engemaw zata lei a ni tih te a hngang luh luh a. Tin, entirnan, Procom Calcutta tih chu chu Bitumen Alkatra supply turin matric tonne sing hnih sanghnih chuang pek a ni a. Pawisa kha advance-in 90% pek a ni a. Kan hriat dan hi a dik chuan tunah hian Procom hian Barrel pakhat pawh a la supply lo. Wawin hi ni 27 a ni tawh a, financial year tawpna tur hi, Chutiang ang chu a ni a. Khatieng ang thil kha fiscal Reform Committee hi chuan Pathian leh kan ram tan tiin huaisen taka dingin an rawn bitum dawn emaw kan tih lai khan. Khati lam zawnga recommendation siam ta lo khan mire-

theite kokia phurrit dah zawngin entirnan Zoram chhiah Rs. 4.50 pekna tur an rawn siam ta a, entir nan (Inter-
tion) khati laia tarlan ngam loh an neih kan Education Mi-
nister-in chawhma lamah pawh a sawi a. Kei chu mithi ka
ral dawn avang khan ka kal chhuak a, khatah pawh Primary
School a lak tumna te, tin tui bill tih sanna te, tin,
Vehicle parking fee, tin, khang bakah khan privatisation
of Govt. vehicle te.

Pu Speaker, kan MOS zahawm tak
khan a rawn sawifiah a, assurance min pe thei em? Kha
kha tih tawp zawk tur ania. Chutiang chuanin in reform
dawn anih chuan tunah hianin titawp turin assurance min
pe ang hmiang. Khang bakah khan tui bill sang ta te,
Electric bill sang ta te, hi tihtawp turin assurance min
pe thei em. Ti zawng zawk chuan hna thawh tur a nia. Chu-
vangin (a kha chu ka chan lai a ni lo khang kha engatinge
dawl in rawn sawi leh thin) Min ngaithla rawh se, Pu
Speaker, hei khatiang kha kan sorkar kal dan a ni a. He-
tah hian policy thar pahnih pathum an rawn sawi lang a.
Entirnan privatisation of Govt. Vehicle an ti ta a, volun-
tary retirement for driver a ti a. Medical insurance for
Govt. Employees tih thil thar pathum a rawn lang a ni.
Heng te hi a nihna (PU LALCHAMLIANA - Admission fee an
khawn reng a, cheng nga an khawn thin a. Department in
cheng sawmnhin i ti pung ang an ti a. Reform Committee
chuan sawmnhin chu a tam lutuk deuh e. Cheng sawm hi ni
zawp rawh se an ti a ni. Kan sorkar hma pawhin Primary
School ah hian admission fee rate cheng nga Middle School
ah cheng sawm, High School ah cheng sawmpanga, Higher
Secondary ah cheng sawmnhin panga hi an lo la thin a ni.
Ni e, tunhma atanga lo tih a awm a. Hei hian a rawt thar
pawh a ni lo. Departmentin rate sang deuh an rawt a,
fiscal reform in a awm tawp a lo ti a ni) Heng te hi a
nihna takah chuan a tum dan kan han thil in privatisation
ain personalisation mai mai a ni. Kan Chief Minister
hian privatisation hi a mual thelh a a thelh hi a buai*
thlak a, privatisation tih India rama 1990-91 a hemi eco-
nomic policy liberalisation central in a han introduce
hnuah privatisation tia koh a hi chu sorkar ina a thiltih
tam tak kha - Entirnan Corporation te pawh a niang, Pub-
lic Sector leh Govt. undertaking te pawh a niang, Depart-
ment te pawh a niang. Khang ho zawk a kha private company
ah a pe thin a ni. Chutih nilova a sorkar hnathawk mimal
hnaena Motor, va pek ang hi privatisation a ni reng reng lo.
Chuvangin personalisation a ni a, a mual thelh a a thelh
thin hi kan House Leader hi a buaithlak. a.

Tin, Driver, dah tur tih te pawh
hi mi duh lo engtinge voluntary pension in kal rawh a
tih ringawt theih ang. Chutiang khawpa pen bo policy chu
a rawn siam a ni a. Medical Insurance tih te pawh hi Dan
kalh a ni thei. Miin Medical Reimbursement hi an entitle
a, khami aia khami tibova insurance siam a, an hlawn atang
a premium khawn anih chuan thil dik lo a ni bawp dawn a ni.
Hengah hian kalhmang mumal min kawhmuh tur awm lova. Ti-
chuan kan Budget atang pawh hian kan sorkar hi a rintlak
loh a ni. Hetiang zela min hruai chuan kum 5 hnuah chuan

Budget mumal pawh kan nei tawh lovang, ba in a khat ang a, nimin lama kan House Leader in independence chu ni ila chuan hetiang hian kan ti thei ang a tih pawh kha. Tuna ka hlauh em em chu MNF hien min independence pui ang a, mawngah chhuak tur a awm lovang a, riltamin kan thi fai ang tih hi a hlauhawmin ka hria a. Chu chu kan Budget nunchang hi chu niin ka hria e, Pu Speaker, ka lawm e.

(Speech not corrected)

S P E A K E R : Tunah chuan kan Chief Minister, House Leader ni bawk hi khai khawm turin wind-up turin i lo sawm ang u.

PU ZORAMTHANGA CHIEF MINISTER : Pu Speaker, ka lawm e. Hei kan General discussion pawh kan han kalpui nak nak a, a lawmawm hle a, kan member zahawm takte hnen atangin a then a fello lai hetia tihfel hi a tha ang e, tihna te, hetah chuan sorkar in fimkhur tur a ni tih te, Tin, a thenah chuan duhthawh zualna lai point te kha kan ngaithla a, a lawmawm hle a, khang atang khan tan a tul na lai te, tin, siamthat a tulna lai te ngaihtuahna thar min pekna lai tur te pawh kan rilruah kan lo dah reng a ni tih pawh kha kan member ten lo hria sela. Budget hi a har ber lai a ni a, a hranpa a, a tha te tha lo te a a awm tho rachingin a hman dan azirin heng hi thiam taka zai taka kan hman chuan pawisa tlem deuhthe pawhin hna a thawk tam zawk thei a. Mahse, a pawisa tam mah sela a hmanna kan thiam loh chuan harsatna min siam thei a. Chuvangin, keini pawhin a zai thei ang berin hman kan lo tum ang a. Tin, Pu Speaker, kan opposition member lam te hi i duhsak hle a a lawmawm pawh ka ti a, Opposition leader pawh minute 10 lai i pek belh a, keini pawh kha chen kha a hrui tuah pawh kan lo tang ve thin a, minute 5 hi chu ka hlauh ve thin a, minute 10 hi chu ka hlauh chiah pawh hi ka la hre lova i pawk khawpin ka lo hria a. A tihziain ka hria e.

Pu Speaker, hei kan budget hi kan sawi ang khan General discussion a ni bawk a, a detail leh engemaw thildanga kha chu nakinah demand wise a kan kal hunah a Minister concern ten an rawn sawiin an rawn clear turah ngai ila. Tunah chuan kan member zahawm tak ten a General an rawn sawi kha a tlangpui thu in a Generalin zuk khai khawm ila, a thain ka hria, pakhatnaah chuan Non-plan sawi ila. Kan pawisa hmuh turte kan hriat theuh angin plan leh non-plan atangin pawisa hi state in kan nei a. Chutah chuan 100 a 90 aia tam hi Central atangin kan hmu a, 100 a 10 tling lo, a chang chuan 8 bawr vel tham te 6 te chulai bawr chu State in kan thawk chhuak ve tawk tawk a ni tih chu tun hma atangin ka hriat tlan vek a ni a. Chuvangin, kan Budget hi kan han sawi

ve thin tak naa Central atanga pawisa lo kal a lo thlen hun kan chian hun a ni a. tin, khami thlir chungka kan budget pawh kan lo siam U.T. atang tawh a vawin thleng anih kan hriat avangin, chumi mil chuan kan budget preparation a timing te a amount te a sem dante hi a kal lo thei lova. India ram pum puiah a ni a. State zawng zawngin mahni duh ang angin pawisa kan hmang thei lova. Chu chu kan hriat tlan sa a ni a.

Chutah chuan non-plan a a hlawm lian lo kal tura hi Central atanga kan share, taxes atang te leh chi hrang hrang a langtein a lo tling khawm a. Tin, 11th Finance Commissionin kum 5 chung atana min pek tur zingah kumina kan hmuh tur tih te chung tling khawm atang chuan non-plan pawisa hi a lo kal khawm a, chu chu kan lo hmuhin khata tang khan non-plan kuminah eng angin nge kan neih a engzatnge kan sem darh ang tih kha kan lo inrin ve dan leh kan lo siam dan a ni a. Chutiang bawkin plan pawh plan discussion nein Delhi-ah kan kal a, chuta kan plan size kan hriat atangin allocation pawh kan siam theuh a. Department in chumi allocation chu planning commission bawkin min approve loh chuan final a ngaih theih a ni lova, chuvangin Delhi lama pawisa lo kal leh chuta tanga min pek dan a zir zel loh chuan Budget hi plan-ah pawh non-planah pawh awmze nei tak tak leh final a a kalpui theih loh avangin, Mizoram chauh a ni lova. India ram state pumpui kan tihdan hi a inang khat tlang vek a. Mizoram hian dangdai bikin kan ti thei law, tin, fel lo bik emaw a kal theih chuang lova. India ram system kha state zawng zawng in ang thawkhatin a system chu khatah khan kan kal vek a. Chu chu kan hriatilan a nih avangin khulam atanga plan allocation te a rawn fel hma chuan tumah hian mahni plan zat hi Mizoram a ni emaw, Northeast a ni emaw, India ram state reng rengin kan hre lo a, chumi a lo thlen tlai leh kan siam tlai thin a nih kha. Chuvangin, tunah Mizoram hi system thar dang dai bikin, Budgetary system ah hian kan kal thei law, state dang tumah India ram bikah chuan kal thei an awm lova, kan dal dan hi a inang thawkhat vek a ni, tih kha ka'n sawi duh a. Pu Speaker, chu chu a nih avangin rinthu in kan kal tih te kha. Mizoram hi rinthua kan kal chuan India ram state zawng zawng pawh an kal a. A fel hma leh kan vaiin kan fel hma a. A fel tlai leh kan vaiin kan tlai mai a ni. Chu chu a nih avangin Mizoram Budget leh India ram te hi a system chu kan inang tlang vek a ni tih kha ka'n sawi duh a ni.

Pu Speaker, chu lo lelah ka'n sawi leh duh chu kumina Budget-a kan buaina ber, keini pawh kan ni a, India ram pumpui pawh kan ni a. Chu chu Fixed Pay Commission atanga hlawh lo kal leh kan hmuh in mil lovah hian hei hi kan buai tlanna ber pawh a ni a. Mizoram phei chu India ram State-ah a hlawh tam ber pakhat kan lo ni a, a punna pawh a lo sang a. Tin, comperatively in India ram state ah sawrkar hnathawk pawh a tamna ber dawttu Sikkim dawtah chuan kan lo ni a. Chu chuan salary portion-ah min ei nasa em em a. Tunah hian 1997 bawr velah

kha chuan Salary component lamah hian Pension te nen 23 crores bawr vel thla khata a kal lain tunah hi chuan 45 crores a thleng tawh a, 46 a tling mai ang kum tawp lamah pheh chuan tih pawh kha a rin theih a, a let deuh thawin chu chu a lo pung tawh a. Chumi proportion chuan hetah non-plan a kan hmuhte kha a lo pung chuang si lova. Chulai chiahah chuan States dang ina harsatna an tawng ang chiah khan Mizoram ina kan tawna hi a ni a. Plan-ah pawh chu tho chu a ni a, Plan atanga hlawh la kan awm khan kan Plan size a kha proportionately in a lo pung chuang si lova, chu chu State dang zawng zawng an harsat ang bawkin Mizoram pawhin kan harsa a, hei hi a kalpui ber duh khawp lohna works atan emaw tin, thil dang atan emaw a daih lohna lo siamna ber kha chu a ni ta reng a ni. Chu chu Education Department ah te, sorkar hnathawk an tam biknaah khan an harsatna a zual a, Health Department ah te pawh, mihring an tamnaah a lo harsa a. Chuvangin, tunah pawh hian Education ah a lian ber a, Health Department hian a dawt leh mai awm mange aw ka ti a. Salary-ah te indaih lohna kan sawi kha a dik a. Amaherawhchu, nichin ah pawh an aiawhte an lo kal a, Budget ah hi chuan heta kan neihsa hi vawi leh khata han daih puk tur a awm loh avangin, a daih loh deuh a pawh kha, in headache, luhaina tur lamah lo ngai lo ula, hlawh hi chu engtikawng pawhin pek reng reng che u chu kan tum a ni.

Amaherawhchu, khawi atangin nge, engtia siam rem tur nge tih a kha chu keimahni rawn ngaihtuah turah min rawn dah ula. Hlawh la lova in awm rei chuan chu chu in luhaina ni sela, amaherawhchu, kumtir atanga kumin a daih lo tih lamah kha chuan kan luhaina tur lamah, kan ngaihtuah turah min rawn dah ang che u. Hlawh hi chu kan pe hrim hrim ang che u, kan pe ngei ang che u tih pawh kan beisei a.

Tin, hnathawh dang, School lam panga maintainance leh thil danga indaih loh tih pawh kha R.E. stage ah hi chuan kan siam rem thei zel a. Chuvangin, hnathawh theihna tawt turin kan theihtawpin tan kan rawn la dawn a. Kha lamah kha chuan Sorkar pawhin tih takzet tan rawn lak kan tum e, kawng hrang hrangin a siam rem theih a ni tiin an aiawhte nen pawh kan inbia a. Anni pawh lawm takin, hlim takin kan inthen nghe nghe a. Kan ngaihtuahna te pawh theihpatawpin Education Deptt. kan rama a hnathawktu tam ber kan nih avangin a buai pawh a buaithlak a, a Department pawhin a tawh pawh an tuar a. Knami han siam rem tur khan hisap thiam pawh a har a, chu chu keini pawhin kan theihtawpa ngaihtuah kan tum a. Health Department te pawh ngaihtuah ngai an ni a. Kan Police lamte pawh an number a thahnem a. Ngaihtuah an ngai zual bik a. Engpawhnise, khangte kha kan member zah-awm takina in sawite in rawn point out te kha kan lo hre reng a. Remruat dan kan lo thlir ang.

Plan size thuah in han sawi kha ka rilruah a awm reng a. Plan discussion kan neih dawn pawh hian kan hriat duha chu a tira kan pawisa neih tak tak kha khami atang khan engzatnge tahchuan kan puk belh anga, engzatnge kan dah tih kha kan ngaihtuahnaa lo awm

reng chu a ni a. Entirnan, kumina kan core plan, kan Plan atana pawisa Planning Commission ina an han chhut a, a tak taka hei hi in neih theih a ni an tih laimu a kha a ni a. Khatah khan Mizoram kan neih chu crore 388 in nei min ti a. Chuta tang chuan a dang chu nangmahni Resources Mobilise na turte, Loan lakin emaw i duh angin in tipung thei an ti a. Politic-a a number tam ve hrim hrim pawh hi a tha a lawm. A puk tur na na na chu kan puk ang e tih chin kha dah ila, kan puk tak chiah loh pawhin khalama kha chu a tam ema, kan puk ta lo a lawm mawle. State thenkhat tih ang pawh hian kan ti ang e. A tir vawikhat rawn hawna volume lian a te hi Politic pawhin a tha a lawm. Chuvangin i ti tam ang u. 420/430/450 te pawh hian kalchho ila tih rawtna pawh keimahni zingah a awm nak nak a.

Amaherawhchu, kan member zahawm tak ten in han sawi ang khan. Mizoramah kan leiba te a thatnem tawh em avangin a tam lutuk puk belh a plan tih pun kha thain kan hre lova. Hetia a taka project a a grant a kal tur chi nawrin kan han nawr ta ngat ngat a. Keimahni resources nikum aia mobilise belhna turah chuan crore 2 kan belh a. Tichuan a vaiin 410 i duh taw ang u kan ti a. 410 kha kan fixed na chu a ni. Kha kha a hmam keimahni Plan dept. kha kan thukhawm a, heti zat hi target ang u kan tihsa a ni. Kan core plan kan hriat a tanga kan tihsa a ni.

Tin, chulovah chuan hei thenkhat te chu Arunachal Pradesh te pawh kan han sawi a, 661 ngawt mai an han ti chho a. Amaherawhchu an core plan kha an pawisa neih tak tak Planning Commission-in an tih kha 445 an nei a ni. 445 atang khan Resources heti zat hi kan mobilise ang, heti zat kan puk ang hei hi EAP atangin kan la thei ang an tih zawng zawng kha an han dahkhawm ta a. 661 ah zahnih chuang ah 220 deuhthaw a ni awm e. Khatiang velah khan an han tipung ta a ni. Planning Commission pawh hei an ni an pung si a kan ti a, an nui h a za viau a ni an ni pawh. Aw in duh leh tipung ve ula puk teuh ula a ni mai alawm core plan in hria a. Khata tang khan in puk belh duh zat zat kha a ni mai alawm an ti ve mai a. Chutiangin Nagaland te kha 326 nikum atang khan an core plan a pawisa an neih zat chu 158 chauh an nei a ni. A taka pawisa an neih kha ta tang khan politics in a volume a hniam lutuk dawn chuan a thain an hre si lova ni ngei t tur a ni. A puk nen resources mobilise nen external order project tura tan an ti chhova core plan a 158 nei khan 405 an tling chho a ni. Chutiang te chuan an kal a, keini pawh a puk a kha uar duh ila chuan a tihpun theih a. Mahsela, kan Member zahawm tak ten in rawn puk tam juat tuk hi a rulh leh a buaithlak a vangin kan core plan mil a kan side kha kan siam chhoh kha thain kan hria a. Plan hi a tir atangin 410 ah kal ang u. Kan Plan 388 a nih chuan a danglamna hi 20 tha velin emaw, resources mobilise na tur hi chu tlem telh ila additional a kan belhna tur hi chu.

Tin, loan kan lak loh theih loh planning commission khuan heti zat hi in la tur a ni tih min tuk sa hi an nei ve a ni, a bakah duh leh kan lak belh thei a. Nikuma mi bak chu lak belh loh vin additional resources mobilisation ah chuan small saving ah crore 2 kan pun ang e kan ti a, a bak chu grant in he lama Nonlapsable pool a telh turin grant in kan nawr a ti-chuan 410 hi nikum aia resources mobilise na tur atana kan tihpunna chu crore 2 chiahin kan rawn tipung a. Chu chu kan plan rawn hawn dan a ni. Tin, chu chu kan plan pawisa anih avangin he kan plan pawisa pawh hi a buaithlak na chu Eleventh Finance Commission ina an rawn tih hnu hian ear mark sector a tam ta em em mai a. Hemi bik atan hian in hmang tur a ni tih a, heta kan mamawh anga kan duh duha divisible rule a semdarh theiha min pe ta lo khan, hei hi eng-atinge ni kan tih khan State thenkhatin hlawh leh thil dang, Office expenditure leh thil dang an duh duhah an hmanah an hmang darh nasa lutuk a, Chuvangin year mark sector ah hian hetiang ah hian in hmang tur a ni tia kan central tlat loh chuan pawisa a kal dan a dik lo nasa lutuk a. Chuvangin kan awih tawh lova. India ramah year mark sector hi hetiang hian kan ti pung ta a ni an ti a. Kha kha chu a sut pawh kan han su ngial thin a. India ram pumpui phe chu kan policy a ni. Nangni chu tlem chuan in lo ziaawm deuh pawh a ni thei. Nimah-sela chhiah awm lo pawh tam tak in awm avangin ear mark sector a funding system hi kan control loh chuan an ti a, chu chu hei hi kan lo neih dan a ni a.

PU LALHMINGTHANGA : Tuna kan current year-ah pawh hian khatiang anga accost ve tur hian kan sorkar hian P.W.D. atang te pawh khan 22 crore kha pull back sak ni ten kan lo hria a, hei hi a dik em ?

Tin, social welfare atang pawhin 3.5 crore chutiang ang chuanin year mark sector ni si lo ah khan, tin kan Education Minister ina statement a siam tawhah pawh khan entirnan thla 9 daih chauh zirtirtu hlawh dah a ni a ti a. A piah lamah chuan PMGY atangtein min pe dawn a ti ta mai a. Chuti anih chuan PMGY chu year mark thil vek a ni a, khatiang ang khan in ti thin a. Chu chuanin a ti chikawm a, a ti strict a ni lo maw? Kha tak a kha min clarify sak selangin a tha awm khawpin ka hria a. P.W.D. ah pawh tun current year-ah hian an plan a mi kha 22 crore Department hrang hranga hlawh a sem tur ten in pull back ni hian a lang a. 22.94 crore, chu chu vai-belchhe 22 leh maktaduai 9 leh nuai 4. Tin, social welfare atang chuan vaibelchhe 3 leh engemaw zat. Chu chu min han clarify sak se, PMGY atangte khanin zirtirtu hlawh chu thla 9 in a daih lohna kha pek leh in tum dawn reng em ni? Khang kha thil thieng lo deuh a ni reng a. Khatiang tih ching kha chu an hrem mai loh nakah.

PU ZORAMTHANGA : Pu Speaker, he harsatna hi India ram pumah a awm a. Entirnan U.T. atangin State ah rei tak a in

fraststructure, hemi sorkar hnathawk tu rawn induang chhuak chho pangngai hi vawi leh khatah kan ti tawp thut thei lo. Hlawh la te kha hlawh la lovin a siam theih lo va, khang hlawh kha plan in a daih loh chuan non plan te kan ti a. Non plan ami kha plan ah te kan sawi kual a, khatia tih loh khan India Ram state pumpui pawh hi a awm a ni. Amaherawhchu, PMGY ami te, thil dang ami te ear marks sectors pawh hi an guideline kan en a, guideline in a huam chinah lo chuan a kal pawh kan kal ngam lo a ni. Chuvangin an guideline in a huam chinah lo kan kal chuan a dawt lehah khan min release loh kan hlawh avangin hemi ang hian hmang dawn ila, anih leh in guideline nen a in mil em? tih pawh kan zawt a. Chutia a in mil a hman ngam chinah hian kan hmang chauh thin a ni.

PU LALHMINGTHANGA : Crore 22 leh nuai 94 hi kan appropriate vek tawh si kha re-appropriate leh ngai khan tuna kan supplementary demand te khan in ti tel. khan a lang tlat a. House Leader thusawiah ngei pawh khan hemi supplementary demand a zali leh tih a ni hi crore 92 hi chu adjustment a ni e a ti a. Khatiang anga mahni House leh house in kalh tlat, hna a hman ni si lo, kha tak kha min han clarify teh se, a pawimawh em mai. Chutih lo chuh Officer te hi Lung in te in tan tir pheng phung ange, Hemi C.A.G. objection atang hian. Chuvangin helai hi han sawi teh se, a pawimawh a nia.

PU ZORAMTHANGA : Pu Speaker, ka'n sawi ang e, kei-mahni State chhung a kan re-appropriate, kan Plan fund ami hi chu kan Power a awm chin te pawh a awm a. Tin, khami guideline chhung ami kan reappropriate theih ang kha kan reappropriate bawk a, hei hi hman atanga State in funding, kan Budget a kan kal dan kumkhua a ni a, chu chu Supplementary Demand te hi a tulna chhan a ni. Hete mi khan an lo hmang zo lova, chuvangin, an hman zawh loh, helai head ami kha heta tan hian a hman theih tho bawk a, E.E. re-appropriate ang kan tih te a awm a, chuvangin.....

PU LALHMINGTHANGA : Social welfare ami kha khati zat kha in lak sak reng em? la la lo tih chauh ka duh. Tin, PMGY ami kha in hmang dawn reng em? dawn, dawn lo tih chauh a ni, min clarify se ka tih.

PU ZORAMTHANGA : Pu Speaker, a zawhna a sei si a, ka'n chhan dawn khan ka chhan zawh hmain min lo lambun thin bawk alawm maw le! Ni e, a zawhna kha a sei ve bawk a nia. PWD a tuna kan reappropriate tur emaw kan hman tur hi a guideline in phalna min pek chinah chiah kan kal dawn

a ni. E, re-appropriate tur te chu awm teh reng e, a awm em em mai a, siam rem tur chu. Siam rem tur pawh heti zat hi a ni a, kan siam rem dawn em em mai a ni. Awle, tin, nichinah khan kan Opposition Leader zahawmtak khan engemaw pawisa hman te pawh hi ti tha pawl tak kan ni a, North East, in ziak te pawh min pe ula an ti a, hei hi nakinah version copy te pawh i remtih chuan kan larawn pe ang a. Amaherawhchu House chung kher loah pawh pawh lamah te pawh a inpek theih tho a, hei hi Planning Commission in kan Plan Discussion a an record ania. Dr. Joseph Abraham-an hming sign an a awm thlap a ni a, chutah pawh chuan Ni e, han phawrh snise.

Tin, chuta (interrupt).. Pu Speaker, min zawh avang khan ka'n sawi dawn ania, a point ah pawh heti hian an ti a. Mizoram chungchangthu ah chuan 'The Realisation of Resources had been commendable in comparison with other North Eastern States. This is mainly due to the good fiscal management achieved by the State Govt. of Mizoram' an ti ve a ni. A copy kan rawn pe dawn nia original hian. Kha kha mahni lo maha kan duh thawh nak alain hetia min han ti ve leh chhawng hi a lawm pawh kan lawm khawp mai a.

Awle, Pu Speaker, sawi tur a tam mai a, vawiinah hian. Mahse, generala kan discuss-na anih avangin a demand wise a nakina kan discuss hunah a detail chiang zawk chu kan larawn sawi ang a. Kumina kan sawi duh ber chu kan non plan pawh hi a tawh lo em em a, kan plan pawh a tawh lova kan duh khawp lo em em a. Mahse heng zawng zawngah hian keimahni duh angin a tling tawh lo. Pawisa a tam lo, C.M. in kum 3 chungin kan intodelh ang a ti, tihte duh duh min han sawi tir ve bawh si a. Kum 3 chungin a intodelh vek theih loh tihte chu kum 5 chung pawhin kan tlin lo tihte chu Pu Denga hun lai atang tawh khan ka hmu e ka ti a, ka sawi ka sawi a. Duh duh min han sawi tir si a le, a duh duh min sawi tir si a. Thusawi hi ni e mi pakhatin i eiin i in ang u khai, naktukah kan thi dawn si a Bible in a tia lawm a ti a. A dang tih belh loh chuan khalai tum bung chauh zu lak chuan Bible sawite pawh hi ngaih kawih theih takin a kal thei a chu chu ka zuk sawi tum tak chu helaliah hian he pawisa tamna hi Plan sector ah chuan a tam a ni. Non-Plan sectorah erawh chuan in ren tawp a ngai a ni. Chu chu India ram policy a ni a, keini pawhin kan kalpui a ni. Voluntary benefit khami driver te tana tihte phei kha chu (Interruption)

Pu Speaker, voluntary retirement benefit te pawh hi a duh apiang tih tur a ni, intih luih a ni law, hei hmun tam taka an han ti tan a, a duh an tam lutuk a, a then phei hi chuan 'ngawi rawh u, kan close leh rih loh chuan kan tlin dawn lo' ti hial khawpin an terms an condition a that phei chuan a kal a. Hei chu a duh apiangina tih theih turin a kal a ni. Amaherawhchu tunah phei chuan cabinet ina approved a, a taka la kal thei pawh

kan ni law, Scheme in helaiah hi chuan kan kal tih kan sawina mai a ni. Tin, a taka kalpuj theih hram pawh kan duh a.

Tichuan chumi pawisa tamna ka zu sawina lai taka chu hei Central budget hi kan hotute kan Member zahawm tak pawh hian a duh chuan a en theih vek a, tin, a hmuh theih vek a. Kha kha chu hmuh tur pawh a tam ang a, hetah pawh hian han en ila, hemi 2001 leh 2002 budget ah pawh hian a grant total a han dah pawh hian non-plan hi chu non-plan ni ta sela, plan sector ringawta an Grant Totala pawh hi cheng vaibelchhe nuai khat leh za ah hian 10% chu North Eastern States Sikim tiamin a ni a, hman tura a tih kha, chu ringawt pawh chu nuai let sing khat leh 10 a ni a, chu em em pawh chu ni lovin khawilai ah emaw pawh hian remchang lo a awm ang tiin nuai nilo, vaivelchhia sing nilovin sangriat angah pawh zuk pawm thla ta ila, chu chu State 8 hian inzah sem pawh ni ila, crore sangkhat te chuan a daih hrim hrim mai a, A kha kha chu nikum ami a ni a, nikum a mi 2000-2001 ania hei ni 2001-2002 a ni a. Chu chu 1000 crore chuan min daih vek a ni. Amaherawhchu crore sang a kha lokalin min pe ringawt dawn lova. Keimahnin plan leh scheme kan siam khan chu chu kan zuk lak tur a awm a. Chuvangin tunah pawh an ti ber a chu hetia scheme kan zu tiha kan zu kal hian hei hi chak takin hna thawk ula, Plan leh Scheme pawh rawn ti tha ula, pawisa hi kumin a mi pawh hi North East in a in Share hi a tam hi chuan hmun sawma then a hmun khat pawh in la hman lo a ni en ti a ni. Chuvangin chu chu keini pawhin Sorkar pawhin, sorkar hna thawk pawhin sorkar pawh in, sorkar hnathawk pawhin theih tawpa tan lak tur a ni. Hemi ah hi chuan dik tak chuan a tam a ni. Hemi a ka zuk sawi mai nilovin central budget zu enin ziak a awm thlap mai a ni. Chu ka zuk sawina lai a ni. Non-planah erawh chuan kan hriat vek angin keini pawhin non-planah pawisa kan ngah vawikhatmah kan ti ngai lo. Non-plan ah hi chuan kawm taka kan kal loh chuan hetah hi chuan a fa tu hlui lama kan lo inhman nasat luat tukna hi min daih tawk pangngai a kan inhrek rek angai a ni tih hi chu kan sawi kumkhua a ni. Chuvangin Pu Speaker, kan budget kumina lo kal chhova pawh hi duhthusam lohna tam tak a awm a. Hei ai hian a number te pawh tam sela. Tin, kan han siam naah pawh hian (A nakinah CSS list kan rawn pe dawnnia).

PU N.P.CHAKMA

: Pu Speaker, kan C.M. zahawm tak kha crore 800 bawr vel Mizoram chan tur anga sawi kha - if we divide tun thlengin Mizoram Department hrang hrang te Department engzahnge khawi pawisa atangin Mizoram ah lak luh theih ang. Department engzahnge tun thlengin plan thleng thei lo, kan C.M. zahawm takin hrilh thei angem? How many Department had not created any scheme under this provision and how many department already got money under this provision? Kha kha a sawi thei ang em?

PU ZORAMTHANGA : List kan rawn pe dawnnia. Chuti lo chuan ... chu chu a ni reng alawm 10% kha a ni reng alawm. Nikum k'hian 100 kan tlin lo deuh hleka crore 90 bawr vel niin ka hria a. A chiah chiah ka hre chiah lova.

PU LALRINZUALA : Pu Speaker, Za maw kan lo hmuh ? Engatinge chu taka chu helaiiah hian Sorkar kan neive a ni lawm ni? Engatinge kan va'n thiam lo awm em em ve ? Sangkhat kan chan tur chang pha lo kan lo nih chuan a va buaithlak awm ve ?

PU ZORAMTHANGA : Pu Speaker, chutichung chuan a nei tha ber pawl kan nia. Mizoram chu kan Plan han en ila, khamiah chuan a chang tam ber pawl kan la ni cheu a ni. Chuvangin a nia kan chan tur ang sawma pakhat pawh kan chang pha lo. Chuvangin tan a ngai a ni kan ti reng a ni. Heta tang hian a chiang reng alawm, hei a hmuh theih vek alawm. Khata tang khan a hisap theih vek a. A hma a mi pawh kha khatianga kal reng lai khan kan hmaa Sorkar khan kha aia tlem te kha a ni a lak ni. Chuvang tak : chuan a ni tan a ngai kan tih reng ni. Heti hian min pe ringawt lova Project Report an pawm theih a, installment hmasa a lo kal a, utilisation certificate nena zuk pekin a dang a lo kal a, thawk chak rawh u min tihna a ni reng a ni. Chuvangin hei hi a tumbunga lak chi a ni lova, Pu Speaker, heng zawng zawngah hian kan tan lak nasat zia hi leh a tulzia hi a lo lang a. Chuvangin, kan budget pum pui te kan non plan budget pum pui te heng zawng zawngah hian kan duhthu sam lo mah sela, nasa leh zuala kan tan chuan kan ram develop-na tur hian India sorkarah hian pawisa a tam a. Mahse, theihtawpa tan a ngai a ni tih hre chungin he kan budget pawh hi vawina kan member zah-awm tak ten an thusawite an rilruah kan lo vawng reng ang e.

Awle, chuti chu ni rawh se, ka lawm e.

S P E A K E R : Awle, kan General Discussion chu hlimawm takin kan zova. Member ten thil tam tak kan belh phahin ka ring a. Tin, opposition lamte pawh hun thawl tak kan pe che u a, tunhmaah House-a an inpek dan zawng zawng hi kan lo awm ve tawhna leh kan awm loh lai ami pawh hi ka hmu thin a. Ka duh ang tawkin Opposition te hian thu an sawi tawk lo fo thinin ka hria a. Chu chu a tu a te pawh hi opposition a lo awm thei kan ni a. Chu vangin, tha a kan hriat dan angin kan han ti a fiah takin

House Leader lamte opposition lamte pawhin in sawi a ti khan a hre zawk tena an sawi hianin lehlahmah chuan kan chhawr zawk a, nikhatah kan General discussion pawh kan zo thei a a lawmawm hle a ni. Tin, kan sorkar hian thil thar opposition leader sawi ang khan thil thar sorkar kal tawh ten an tih phal hauh loh chi Transperent govt. tak taka a awm theihna turin performance budget te work schedule work programme kan tihte kha kumin hi chuanin an rawn buatsaih vek a, heng kawngah hian sorkar chungah lawmthu keimah mimal tak pawh hianin sawi tulin ka hria a. Heng hi transperent govt. a awm theihna tura member tena information tha tak tak in zuk neih theihna tur thil kha a ni a. Hei hi executive lam hianin an ngaithei lo hle thin a ni. Mahse tun sorkarah erawh chuan kan House Leader min kaihhruaina in zalen takin a dante thlengin a ma remtih puinain kan siam thei a ni tih kha kan han hriat nawn thain ka hria a.

Awle, General Discussion hi ni 2 awh tura kan lo duan a ni a, vawiin chu kan zo ta a. Ni 29.3.2001 nilaithawhtan zing 10:30 ah kan thukhawm leh dawnnia.

Meeting adjourned 3:40 P.M.

....319/-